

史

記

一五



楚世家第十

史記四十

楚之先祖出自帝顓頊高陽高陽者黃帝之孫

昌意之子也高陽生稱正義曰尺證反稱生卷章卷章

生重黎徐廣曰卅本云老童生重黎及吳回譙周曰老童即卷章○索隱曰重氏黎氏二官代司天地重為

木正黎為火正據左氏少昊氏之子曰重顓頊氏之子曰黎

今以重黎為一人乃是顓頊之子孫者劉氏云少昊氏之後

曰重顓頊氏之後曰重黎對彼重則單稱黎若自言當家則

稱重黎故楚及司馬氏皆重黎之後非關少昊之重愚謂此

解為重黎為帝嚳高辛居火正索隱曰此重黎為火正彼少昊氏之後重

自為木正知此重黎即彼之黎也甚有功能光融天下帝嚳命曰

祝融虞翻曰祝大融明也韋昭曰祝始也共工氏作亂帝嚳使重黎

誅之而不盡帝乃以庚寅日誅重黎而以其弟

吳回爲重黎後復居火正爲祝融吳回生陸終

陸終生子六人坼剖而產焉

干寶曰先儒學士多疑此事譙允南通才達學

精核數理者也作古史考以爲作者妄記廢而不論余亦尤其生之異也然案六子之卅子孫有國升降六代數千年間迭至霸王天將興之必有尤物乎若夫前志所傳脩已背坼而生禹簡狄宵剖而生契歷代久遠莫足相證近魏黃初五年汝南屈雍妻王氏生男兒從右腋下小腹上出而平和自若數月割合母子無恙斯蓋近事之信也以今況古固知注記者之不妥也天地云爲陰陽變化安可守之一端繫以常理乎詩云不坼不剖無災無害原詩人之自明古之婦人嘗有坼剖而產者矣又有因產而遇災害者故美其無害也○索隱曰系本云陸終娶鬼方氏之妹謂之女嬪其長

一曰昆吾

虞翻曰昆吾名樊爲已姓封昆吾卅本曰昆吾者衛是也○索隱曰系本云其一曰樊是

爲昆吾宋忠曰昆吾國名已姓所出左傳曰衛侯夢見被髮登昆吾之觀今濮陽城中有昆吾臺是○正義曰括地志云濮陽縣古昆吾國也昆吾故城在縣西三十里臺在縣西百步即昆吾墟也

二曰參胡

卅本曰參胡者

韓是也。○索隱曰：系本云二曰惠連，是三曰彭祖。虞翻曰：為參胡。宋忠曰：參胡國名，斯姓無後。

彭姓封於大彭，卽本曰彭祖者，彭城是也。○索隱曰：系本云三曰錢鏐，是為彭祖，虞翻所云是也。○正義曰：括地志云：彭

城，古彭祖國也。外傳云：殷末滅彭祖國也。虞翻云：名翦，神仙

傳云：彭祖諱鏐，帝顓頊之玄孫，至殷末年已七百六十七歲

而不衰，老遂往流沙之西，非壽終也。○四曰會人。卽本曰：會人者，鄭是也。○

是為鄆人。宋忠曰：求言名也。如姓所出鄆國也。○正義曰：括

地志云：故鄆城在鄭州新鄭縣東北二十二里。毛詩譜云：昔

高辛氏之土祝融之墟，歷唐至周，重黎之後。五曰曹姓。

姁姓，姁其地是為鄆國，為鄭武公所滅也。○索隱曰：系本云其五曰安，是為曹

卽本曰：曹姓者，邾是也。○正義曰：括地志云：姓宋忠云：安名也。曹姓者，諸曹所出也。○正義曰：括地志云

故邾國在黃州黃岡縣東南百二十一里。史記云：邾子曹姓也。六曰季連，芊姓，楚其

後也。索隱曰：系本云六曰季連，是為芊姓。季連者，楚是也。

宋忠曰：季連名也。芊姓，諸楚所出，楚之先芊音彌，是

反芊，芊聲也。昆吾氏夏之時，嘗為侯伯，桀之時，湯滅

聲也。昆吾氏夏之時，嘗為侯伯，桀之時，湯滅

聲也。昆吾氏夏之時，嘗為侯伯，桀之時，湯滅

之彭祖氏殷之時嘗爲侯伯殷之末世滅彭祖

氏季連生附沮

孫檢曰一作祖○索隱曰沮音才敘反

附沮生穴熊

其後中微或在中國或在蠻夷弗能紀其世周

文王之時季連之苗裔曰鬻熊鬻熊子事文王

蚤卒其子曰熊麗熊麗生熊狂熊狂生熊繹熊

繹當周成王之時舉文武勤勞之後嗣而封熊

繹於楚蠻封以子男之田姓芊氏居丹陽

徐廣曰在

南郡枝江縣○正義曰穎客云傳例云楚居丹陽今枝江縣故城是括地志云歸州巴東縣東南四里歸故城楚子熊繹之始國也又熊繹墓在歸州秭歸縣輿地志云秭歸縣東有丹陽城周迴八里熊繹始封也

楚子熊繹

與魯公伯禽衛康叔子牟晉侯燮齊太公子呂

俱事成王熊繹生熊艾熊艾生熊黜索隱曰一作黜

音土感反黜音與但與宣同字亦作宣也熊黜生熊勝熊勝以弟熊揚為

後索隱曰鄒誕本作熊錫又作煬熊揚生熊渠熊渠生子三人當

周夷王之時王室微諸侯或不朝相伐熊渠甚

得江漢間民和乃興兵伐庸杜預曰庸今上庸縣正義曰括地志云

房州竹山縣本漢上庸縣古之庸國昔周武王伐紂庸蠻在焉楊粲索隱曰有本作楊雱音吁地名也今音越

譙周作至于鄂正義曰五各反劉伯莊云地名在楚之西後徙楚今東鄂州是括地志云鄧州向城

縣南二十里西鄂故城是楚西鄂熊渠曰我蠻夷也不與中國之

號謚乃立其長子康為句亶王張瑩曰今江陵也索隱曰系本康作庸

亶作桓地理志云江陵南郡之縣也楚文王自丹陽徙都之中子紅為鄂王九州記曰鄂今

武昌○索隱曰有本作蕪紅音執其紅從下文熊贄紅讀古史考及鄒氏劉氏等無音蕪紅恐非也○正義曰括地志云武昌縣鄂王舊都今鄂王少子執疵為越章王索隱曰系本無執字神即熊渠子之神也越作就○正義曰即上鄂王紅也皆在江上楚蠻之地及周厲王

之時暴虐熊渠畏其伐楚亦去其王後為熊母

康徐廣曰即渠之長子母康早死熊渠卒子熊摯紅立摯

紅卒其弟弒而代立曰熊延索隱曰如此史意即上鄂王紅也熊周以為熊

渠卒子熊翔立卒長子摯有疾少子熊延立此云摯紅卒其弟煞而自立曰熊延欲會此代系則翔亦母康之弟熊渠者既卒母康又早卒其摯紅立而被延煞故史考言摯有疾而此言弒也○正義曰譙周言摯有疾此言殺未詳宋均注樂緯云熊渠嫡嗣曰熊摯有惡疾不得為後別居於蕪為楚附庸後王命曰蕪子也熊延生熊勇熊

勇六年而周人作亂攻厲王厲王出奔彘熊勇十

年卒弟熊嚴爲後熊嚴十年卒有子四人長子伯

霜中子仲雪次子叔堪

索隱曰堪一作湛

少子季徇

索隱

曰徇音旬俊反

熊嚴卒長子伯霜代立是爲熊霜熊霜

元年周宣王初立熊霜六年卒三弟爭立仲雪

死叔堪云避難於濮

杜預曰建寧郡南有卜夷○正義曰按建寧晉郡在蜀南與蠻

相近劉伯莊云濮在楚西南孔安國云庸濮在漢之南按成公元年楚地千里孔說是也

而少弟季

徇立是爲熊徇熊徇十六年鄭桓公初封於鄭

二十二年熊徇卒子熊罾立

索隱曰罾音鄂亦作噩

熊罾九

年卒子熊儀立是爲若敖若敖二十年周幽王

爲犬戎所弑周東徙而秦襄公始列爲諸侯二

十七年若敖卒子熊坎立是爲霄敖

素隱曰坎音若感反一作

菌又

作欽霄敖六年卒子熊眇立

徐廣曰眇音舜○素隱曰按玉篇眇在口部顧

氏云楚之先即蚡冒也劉音舜其近代本字有從目者故劉氏有舜音非也

是爲蚡冒

索隱曰古

本蚡作蚡音憤冒音亡北反或亡報反

蚡冒十三年晉始亂以曲沃之

故蚡冒十七年卒蚡冒弟熊通弑蚡冒子而代

立是爲楚武王武王十七年晉之曲沃莊伯弑

主國晉孝侯十九年鄭伯弟段作亂二十一年

鄭侵天子之田二十三年衛弑其君桓公二十

九年魯弑其君隱公三十一年宋太宰華督弑

其君殤公三十五年楚伐隨

賈逵曰隨姬姓也杜預曰隨國今義陽隨縣○正義

曰括地志云隨州外城古隨國地世本云楚武王墓在豫州新息隨姬姓也武王卒師中而兵罷括地志云上蔡縣東北

五十里隨曰我無罪楚曰我蠻夷也今諸侯皆為叛

相侵或相殺我有敝甲欲以觀中國之政請王
室尊吾號隨人為之周請尊楚王室不聽還報
三十七年楚熊通怒曰吾先鬻熊文王之師也
早終成王舉我先公乃以子男田令居楚蠻夷
皆率服而王不加位我自尊耳乃自立為武王
與隨人盟而去於是始開濮地而有之五十二年
周召隨侯數以立楚為王楚怒以隨背已伐隨武
王卒師中而兵罷

皇覽曰楚武王冢在汝南郡銅陽縣葛陵鄉城東北民謂之楚王岑漢永

平中葛陵城北祝里社下於土中得銅鼎而名曰楚武王由是知楚武王之冢民傳言秦項赤眉之時欲發之輒頽壤填壓不得發也○正義曰有本注葛陂鄉作葛陵鄉者誤也地理志云新蔡縣西北六十里有葛陂鄉即費長房投竹成龍之陂因為子文王熊貲立始都郢正義曰括地志云郢南故城在荊州鄉名也江陵縣北五十里杜預云國都於郢今南郡江陵縣北紀南城是括地志云又至平王更城郢在江陵縣東北六里故郢城是也文王二年伐申過鄧正義曰括地志云故申城在鄧州南陽縣北三十里晉太康地志云周宣王舅所封故鄧城在襄州安養縣北二十里春秋之鄧國莊十六年楚文王滅之服虔云鄧曼姓也

鄧人曰楚王易取鄧侯不許也六年伐蔡正義曰豫州上蔡縣在州北七十里而釋之楚彊陵江漢間小國小國皆畏之十一年齊桓公始霸楚亦始大十二年伐鄧滅之

古蔡國也縣外城蔡國城也

虜蔡哀侯以歸已

十三年卒子熊羆立

史記音隱云羆古艱字

是爲杜敖

索隱曰杜作壯

側狀反

杜敖五年欲殺其弟熊惲

索隱曰惲音紆粉反左氏作顓紆頻

反

惲奔隨與隨襲弑杜敖代立是爲成王成王

惲元年初即位布德施惠結舊好於諸侯使人

獻天子天子賜胙曰鎮爾南方夷越之亂無侵

中國於是楚地千里十六年齊桓公以兵侵楚

至陘山

正義曰杜預云陘楚地潁川召陵縣南有陘亭括地志云陘山在鄭州西南一百一十里即此山是也

屈曲勿反下音栢楚族也

楚成王使將軍屈完以兵禦之與栢

公盟栢公數以周之賦不入王室楚許之乃去

十八年成王以兵北伐許

地理志曰潁川許昌縣故許國也

許君

肉袒謝乃釋之二十二年伐黃

索隱曰汝南弋陽縣故黃國○正義

曰括地志云黃國故城漢弋陽縣也秦時黃都嬴姓在光州定城縣四十里也

二十六年滅英

徐廣曰年表及他本皆作英一本作黃○正義曰英國在淮南蓋蓼國也不知改名時也

三十三年宋

襄公欲為盟會召楚楚王怒曰召我我將好往

龍辱之遂行至孟

正義曰音于宋地也

遂執辱宋公已而歸

之三十四年鄭文公南朝楚楚成王北伐宋敗

之泓射傷宋襄公襄公遂病創死三十五年晉

公子重耳過成王以諸侯客禮饗而厚送之於

秦三十九年魯僖公來請兵以伐齊楚使申侯

將兵伐齊取穀

杜預曰濟北穀城縣○正義曰括地志云穀在濟州東阿縣東二十六里

置

齊桓公子雍焉齊桓公七子皆奔楚楚盡以爲

上大夫滅夔夔不祀祝融鬻熊故也

服虔曰夔楚能渠之孫熊

摯之後夔在巫山之陽秭歸鄉是也○索隱曰譙周作滅歸歸即夔之地名歸縣之鄉也

夏伐宋宋

告急於晉晉救宋成王罷歸將軍子玉請戰成

王曰重耳亡居外久卒得反國天之所開不可

當子玉固請乃與之少師而去晉果敗子玉於

城濮成王怒誅子玉四十六年初成王將以商

臣爲太子語令尹子上子上曰君之齒未也

杜預

曰齒年也言尚少

而又多內寵絀乃亂也楚國之舉常在

少者

賈逵曰舉立也

且商臣逢蠆目而豺聲忍人也

服虔曰言忍爲

義不可立也王不聽立之後又欲立子職賈逵曰職商臣

庶弟也而紂太子商臣商臣聞而未審也告其傳

潘崇曰何以得其實崇曰饗王之寵姬姬當江

芊而勿敬也商臣從之江芊正義曰亡爾反怒曰宜乎

王之欲殺若而立職也商臣告潘崇曰信矣崇

曰能事之乎服虔曰若立職子能事之曰不能能亡去乎曰不

能能行大事乎服虔曰謂弑君曰能冬十月商臣以宮

衛兵圍成王成王請食熊蹯而死杜預曰熊掌難熟冀父將有外

救之也不聽丁未成王自絞殺商臣代立是為穆

王穆王立以其太子宮子潘崇使為太師掌國

事穆王三年滅江

杜預曰江國在汝南安陽縣

四年滅六蓼六

蓼皐陶之後

杜預曰六國今廬江六縣蓼國今安豐蓼縣

八年伐陳十

二年卒子莊王侶立莊王即位三年不出號令

日夜爲樂令國中曰有敢諫者死無赦伍舉入

諫莊王左抱鄭姬右抱越女坐鍾鼓之間伍舉

曰願有進隱

隱謂隱藏其意

曰有鳥在於皐三年不蜚

不鳴是何鳥也莊王曰三年不蜚蜚將冲天三

年不鳴鳴將驚人舉退矣吾知之矣居數月淫

益甚大夫蘇從乃入諫王曰若不聞令乎對曰

殺身以明君臣之願也於是乃罷淫樂聽政所

誅者數百人所進者數百人任伍舉蘇從以政

國人大說是歲滅庸

正義曰房州竹邑縣今是也

六年伐宋

獲五百乘八年伐陸渾戎

服虔曰陸渾戎在洛西南正義曰尹姓之戎徙居

陸渾

遂至洛觀兵於周郊

服虔曰觀兵陳兵示周也

周定王使

王孫滿勞楚王

服虔曰以郊勞禮迎之也

楚王問鼎小大輕重

杜預曰示欲逼周取天下

對曰在德不在鼎莊王曰子無阻九

鼎楚國折鉤之喙

正義曰喙許衛反凡戟有鉤喙鉤口之尖也言楚國戰之鉤口尖有折者

足以爲鼎言鼎易得也

足以爲九鼎王孫滿曰嗚呼君王其

忘之乎昔虞夏之盛遠方皆至貢金九牧

服虔曰使九州

之牧鑄鼎象物

賈逵曰象所圖物著之於鼎

百物而爲之備使

民知神茲

杜預曰圖鬼神百物之形使民逆備之也

桀有亂德冒鼎遷於般

載祀六百

賈逵曰載辭也祀年也商曰祀王肅曰載祀者猶言年也

殷紂暴虐鼎

遷於周德之休明雖小必重

杜預曰不可遷

其茲回昏

亂雖大必輕

杜預曰言可移

昔成王定鼎于郊鄩

杜預曰郊鄩今河南

也河南縣西有郊鄩陌武王遷之成王定之○索隱曰按周書郊鄩北山名音甲鄩謂田厚鄩故以名焉

卜世

三十卜年七百年所命也周德雖衰天命未改

鼎之輕重未可問也楚王乃歸九年相若敖氏

左傳曰子越椒

人或讒之王恐誅反攻王王擊滅若敖氏

之族十三年滅舒

杜預曰廬江六縣東有舒城也

十六年伐陳殺

夏徵舒徵舒弑其君故誅之也已破陳即縣之

羣臣皆賀申叔時使齊來不賀王問對曰鄙語
曰牽牛徑人田田主取其牛徑者則不直矣取
之牛不亦甚乎且王以陳之亂而率諸侯伐之
以義伐之而貪其縣亦何以復令於天下莊王
乃復國陳後十七年春楚莊王圍鄭三月克之
入自皇門賈逵曰鄭城門何休曰郭門也鄭伯肉袒牽羊以逆賈逵
曰肉袒牽羊示服為臣隸也曰孤不天不能事君君用懷怒以
及敝邑孤之罪也敢不唯命是聽賓之南海若
以臣妾賜諸侯亦唯命是聽若君不忘厲宣栢
武杜預曰周厲王宣王鄭之所自出也鄭武公桓公始封之賢君也不絕其社稷使改

事君孤之願也非所敢望也敢布腹心楚羣臣
曰王勿許莊王曰其君能下人必能信用其民
庸可絕乎莊王自手旗左右麾軍引兵去三十
里而舍遂許之平

杜預曰退一舍而禮鄭

潘尫入盟子良出

質

潘尫楚大夫子良鄭伯弟

夏六月晉救鄭與楚戰大敗晉

師河上遂至衡雍而歸二十年圍宋以殺楚使

也

索隱曰左傳宣十四年楚子使申舟聘于齊曰無假道于宋華元曰過我而不假道鄙我也鄙我亡也殺其使

者必伐我伐我亦亡也亡一也乃殺之楚子聞之投袂而起九月圍宋是也

圍宋五月城中

食盡易子而食析骨而炊宋華元出告以情莊
王曰君子哉遂罷兵去二十三年莊王卒子共

王審立共王十六年晉伐鄭鄭告急共王救鄭
與晉兵戰鄢陵晉敗楚射中共王目共王召將
軍子反子反嗜酒從者豎陽穀進酒醉王怒射
殺子反遂罷兵歸三十一年共王卒子康王招
立康王立十五年卒子負立索隱曰負音雲左傳作麇是爲邾
敖康王寵弟公子圍徐廣曰史記多作回子比子皙棄疾
邾敖三年以其季父康王弟公子圍爲令尹主
兵事四年圍使鄭道聞王疾而還十二月己酉
圍入問王疾絞而弑之荀卿曰以冠纓絞之左傳曰葬王于邾謂之邾敖遂
殺其子莫及平夏使使赴於鄭伍舉問曰誰爲

後

服虔曰問來赴者

對曰寡大夫圍伍舉更曰共王之

子圍爲長

杜預曰伍舉更赴辭重從禮告終捕嗣不以篡弑赴諸侯

子比奔晉而

圍立是爲靈王靈王三年六月楚使使告晉欲

會諸侯諸侯皆會楚于申伍舉曰昔夏啓有鈞

臺之饗

杜預曰河南陽翟縣南有鈞臺陂

商湯有景亳之命周武

王有盟津之誓成王有岐陽之蒐

賈逵曰岐山之陽

康王

有豐宮之朝

服虔曰豐宮成王朝所在也杜預曰豐在始平鄠縣東有靈臺康王於是朝諸侯

穆

王有塗山之會齊桓有召陵之師晉文有踐土

之盟君其何用靈王曰用桓公

杜預曰用會召陵之禮也

時鄭

子產在焉於是晉宋魯衛不往靈王已盟有驕

色伍舉曰桀為有仍之會有緡叛之

賈逵曰仍緡國名也

為黎山之會東夷叛之

服虔曰黎東夷國名也子姓

幽王為太

室之盟戎翟叛之

杜預曰太室中嶽也

君其慎終七月楚以

諸侯兵伐吳圍朱方八月克之囚慶封滅其族

以封徇曰無效齊慶封弑其君而弱其孤以盟

諸大夫

杜預曰齊崔杼弑其君慶封其黨故以弑君罪責之也

封反曰莫如楚

共王庶子圍弑其君兄之子負而代之立

穀梁傳曰軍人

桀然皆笑

於是靈王使棄疾殺之七年就章華臺

杜預

曰南郡華容縣有臺在城內

下令內亡人實之八年使公子棄

疾將兵滅陳十年召蔡侯醉而殺之使棄疾定

蔡因爲陳蔡公十一年伐徐以恐吳

左傳曰使蕩侯等圍徐

靈王次於乾谿以待之王曰齊晉魯衛其封皆

受寶器我獨不今吾使使周求鼎以爲分其予

我乎

服虔曰有功德受分器

析父對曰其子君王哉

賈逵曰析父楚

大夫○索隱曰據左氏此是右尹子革之詞史蓋誤也

昔我先王熊繹辟在荆

山華露藍萋

徐廣曰華一作暴駟案服虔曰華露此車素大輅也藍萋言衣敝壞其萋藍藍然也

以處草莽跋涉山林

服虔曰草行曰跋水行曰涉

以事天子唯

是桃弧棘矢以共王事

服虔曰桃弧棘矢所以禦其災言楚地山林無所出也

齊王舅也

服虔曰齊呂伋成王之舅

晉及魯衛王母弟也楚是

以無分而彼皆有周今與四國服事君王將唯

命是從豈敢愛鼎靈王曰昔我皇祖伯父昆吾

舊許是宅

服虔曰陸終氏六子長曰昆吾少曰季連季連楚之祖故謂昆吾為伯父也昆吾曾居許地故

曰舊許是宅

今鄭人貪其田不我予今我求之其予

我乎對曰周不愛鼎鄭安敢愛田靈王曰昔諸

侯遠我而畏晉今吾大城陳蔡不羹

韋昭曰三國楚別都也潁

川定陵有東不羹襄城有西不羹○正義曰括地志云不羹故城在許州襄城縣東三十里地理志云此西不羹者也

賦皆千乘諸侯畏我乎對曰畏哉靈王喜曰析

父善言古事焉

正義曰左傳昭十二年析父謂子革曰吾子楚國之望也今與王言如響國其

若之何杜預云譏其順王心如響應聲也按此對王言是子革之辭太史公云析父誤也析父時為王僕見子革對故歎

也十二年春楚靈王樂乾谿不能去也國人苦

役初靈王會兵於申僂越大夫常壽過

索隱曰僂辱也殺

蔡大夫觀起

索隱曰觀音官觀姓起名

起子從亡在吳

索隱曰從音才

松反

乃勸吳王伐楚爲間越大夫常壽過而作亂

爲吳間使矯公子棄疾命召公子比於晉至蔡

與吳越兵欲襲蔡令公子比見棄疾與盟於鄧

杜預曰潁川邵陵縣西有鄧城○正義曰括地志云故鄧城在豫州鄆城縣東三十五里按在古召陵縣西十里是也

遂入殺靈王太子祿立子比爲王公子子皙爲

令尹棄疾爲司馬先除王宮觀從從師于乾谿

令楚衆曰國有王矣先歸復爵邑田室後者遷

之楚衆皆潰去靈王而歸靈王聞太子祿之死

也自投車下而曰人之愛子亦如是乎侍者曰

甚是王曰余殺人之子多矣能無及此乎右尹

曰

左傳曰右尹子革

請待於郊以聽國人

服虔曰聽國

王曰

衆怒不可犯曰且入大縣而乞師於諸侯王曰

皆叛矣又曰且奔諸侯以聽大國之慮王曰大

福不再祗取辱耳於是王乘舟將欲入鄢

服虔曰鄢楚別

都也杜預曰襄陽宜城縣○正義曰音偃括地志云故鄢城

在襄州安養縣北三里有襄州北五里南去荊州二百五十

里按王自夏口從漢水上入鄢也左傳云王必夏將欲入鄢

是也括地志云鄢水源出襄州義青縣西界託伏山水經云

蠻水即鄢水是也右尹度王不用其計懼俱死亦去王云

靈王於是獨傍皇山中野人莫敢入王王行遇

其故銷人

韋昭曰今之中消

謂曰爲我求食我已不食三

日矣銷人曰新王下法有敢饗王從王者罪及

三族且又無所得食王因枕其股而卧銷人又

以土自代逃去王覺而弗見遂飢不能起芊尹

申無宇之子申亥曰吾父再犯王命

服虔曰斷王旌執人於章

華之王弗誅恩孰大焉乃求王遇王飢於釐澤

奉之以歸夏五月癸丑王死申亥家

正義曰左傳云夏五月癸

亥王縊于芊尹申亥是也

申亥以二女從死并葬之是時楚國

雖已立比爲王畏靈王復來又不聞靈王死故

觀從謂初王比曰不殺棄疾雖得國猶受禍王

曰余不忍從曰人將忍王王不聽乃去棄疾歸國人每夜驚曰靈王入矣乙卯夜棄疾使船人從江上走呼曰靈王至矣國人愈驚又使曼成然告初王比及令尹子皙曰王至矣國人將殺君司馬將至矣杜預曰司馬謂棄疾君蚤自圖無取辱焉衆怒如水火不可救也初王及子皙遂自殺丙辰棄疾即位爲王改名熊居是爲平王平王以詐弑兩王而自立恐國人及諸侯叛之乃施惠百姓復陳蔡之地而立其後如故歸鄭之侵地存恤國中修政教吳以楚亂故獲五率以歸

服虔

曰五率蕩侯潘子司馬督躡尹午陵尹喜

平王謂觀從恣爾所欲欲爲

卜尹王許之

賈逵曰卜尹卜師大夫官

初共王有寵子五人無

適立乃望祭羣神請神決之使主社稷而陰與

巴姬

賈逵曰共王妾

埋璧於室內

正義曰左傳云埋璧於太室之庭杜預云太室祖廟

也召五子齋而入康王跨之

服虔曰兩足各跨壁一邊杜預曰過其上

靈

王肘加之子比子皙皆遠之平王幼抱而入再

拜壓紐故康王以長立至其子失之圍爲靈王

及身而弑子比爲王十餘日子皙不得立又俱

誅四子皆絕無後唯獨棄疾後立爲平王竟續

楚祀如其神符初子比自晉歸韓宣子問叔向

曰子比其濟乎對曰不就宣子曰同惡相求如

市賈焉服虔曰謂國人共惡靈王者如市賈之人求利也何為不就對曰無

與同好誰與同惡服虔曰言無黨於內當與誰共同好惡取國有五難

有寵無人一也杜預曰寵須賢人而固有人無主二也杜預曰雖有賢

人當須內主為應有主無謀三也杜預曰謀策謀也有謀而無民

四也杜預曰民眾也有民而無德五也杜預曰四者既備當以德成之子比

在晉十三年矣晉楚之從不聞通者可謂無人

矣杜預曰晉楚之士從子比游皆非達人族盡親叛可謂無主矣杜預

曰無親族在楚無豐而動可謂無謀矣服虔曰言靈王尚在而妄動取國故

謂無謀為羈終世可謂無民矣杜預曰終身羈客在於晉是無民亡

無愛徵可謂無德矣

杜預曰楚人無愛念者

王虐而不忌

杜預曰靈王暴虐無所畏忌將自亡

子比涉五難以弑君誰能濟之

有楚國者其棄疾乎君陳蔡方城

正義曰方城山在許州葉縣西

十八里也

外屬焉苛虐不作盜賊伏隱私欲不違

服虔

曰不以私欲違民心

民無怨心先神命之國民信之芊姓有

亂必季實立楚之常也子比之官則右尹也數

其貴寵則庶子也以神所命則又遠之民無懷

焉將何以立宣子曰齊桓晉文不亦是乎

服虔曰皆

庶子而出奔

對曰齊桓衛姬之子也有寵於釐公有鮑

叔牙賓須無隰朋以爲輔有莒衛以爲外主

賈逵

曰齊桓出奔莒自莒先入衛人助之

有高國以爲內主

服虔曰國子高子皆齊之正卿

從善如流

服虔曰言其疾

施惠不倦有國不亦宜乎昔我

文公狐季姬之子也有寵於獻公好學不倦生

十七年有士五人有先大夫子餘子犯以爲腹

心

賈逵曰子餘趙衰

有魏驪賈佗以爲股肱有齊宋秦楚

以爲外主

賈逵曰齊以女妻之宋贈之馬楚享以九獻秦送內之

有欒郤狐先

以爲內主

賈逵曰四姓晉大夫○正義曰杜預云謂欒枝郤穀狐突先軫也

云十九年

守志彌篤惠懷棄民

服虔曰皆棄民不恤

民從而與之

正義曰以

惠懷棄民故民相從而歸心於文公

故文公有國不亦宜乎子比無

施於民無援於外去晉晉不送歸楚楚不迎何

以有國子比果不終焉卒立者棄疾

正義曰左傳云獲神一也

有民二也令德三也寵貴四也居常五也有五利以去五難誰能害之杜預云獲神當璧拜也有民民信也令德無苛匿

也寵貴妃子也居常棄疾季也如叔向言也平王二年使費無忌

如秦

服虔曰楚大夫○索隱曰傳作無極極忌聲相近

為太子建

正義曰左傳云楚子之在

蔡也耶陽之女奔之生太子建杜預云耶蔡邑也耶古覓反

娶婦婦好來未至無

忌先歸說平王曰秦女好可自娶為太子更求

平王聽之卒自娶秦女生熊珍更為太子娶是

時伍奢為太子太傅無忌為少傅無忌無寵於

太子常讒惡太子建建時年十五矣其母蔡女

也無寵於王王稍益疏外建也六年使太子建

居城父守邊

正義曰父音甫括地志云成父故城在許州葉縣東北四十五里即杜預云襄城城

父縣也又汝州襄城縣東四十里亦有父城故城一所服虔云城父楚北境乃是父城之名非建所守杜預云言成父又誤也傳及酈元水經注云楚大城城父使太子建居之即十三州志云太子建所居城父謂今亳州城父縣也按今亳州見有城父縣是建所守者也地理志云潁川有父城縣沛郡有城父縣此二名別耳

無忌又日夜

讒太子建於王曰自無忌入秦女太子怨亦不能無望於王王少自備焉且太子居城父擅兵外交諸侯且欲入矣平王召其傅伍奢責之伍奢知無忌讒乃曰王奈何以小臣䟽骨肉無忌曰今不制後悔也於是王遂囚伍奢而召其二子而告以免父死乃令司馬奮揚召太子建欲

誅之太子聞之亡奔宋無忌曰伍奢有二子不
殺者爲楚國患盍以免其父召之必至於是王
使使謂奢能致二子則生不能將死奢曰尚至
胥不至王曰何也奢曰尚之爲人廉死節慈孝
而仁聞召而免父必至不顧其死胥之爲人智
而好謀勇而矜功知來必死必不來然爲楚國
憂者必此子於是王使人召之曰來吾免爾父
伍尚謂伍胥曰聞父免而莫奔不孝也父戮莫
報無謀也度能任事智也子其行矣我其歸死
伍尚遂歸伍胥彎弓屬矢出見使者曰父有罪

何以召其子爲將射使者還走遂出奔吳伍奢

聞之曰胥亡楚國危哉楚人遂殺伍奢及尚十

年楚太子建母在居巢

正義曰廬州巢縣是也

開吳吳使

公子光伐楚遂敗陳蔡取太子建母而去楚恐

城郢

正義曰在江陵縣東北六里已解於前按傳城郢在昭公二十三年下重言城郢杜預云楚用子囊遺言

以築郢城矣今畏吳復脩以自固也

初吳之邊邑卑梁

正義曰卑梁邑近鍾離也與

楚邊邑鍾離小童爭桑兩家交怒相攻滅卑梁

人卑梁大夫怒發邑兵攻鍾離楚王聞之怒發

國兵滅卑梁吳王聞之大怒亦發兵使公子光

因建母家攻楚遂滅鍾離居巢楚乃恐而城郢

索隱曰去年已城郢今又重言據左氏昭二十三年城郢二十四年無重城郢之文是史記誤也

十三年

平王卒將軍子常曰太子珍少且其母乃前太子建所當娶也欲立令尹子西子西平王之庶弟也有義子西曰國有常法更立則亂言之則致誅乃立太子珍是為昭王昭王元年楚眾不說費無忌以其讒亡太子建殺伍奢子父與郤宛宛之宗姓伯氏子嚭及子胥皆奔吳吳兵數侵楚楚人怨無忌甚楚令尹子常

正義曰名瓦左傳云囊瓦伐吳

誅無忌以說眾眾乃喜四年吳三公子

昭三十年二公子奔

楚公子掩餘奔徐公子燭庸奔鍾離此言三公子非

奔楚楚封之以扞吳五年

吳伐取楚之六潛

正義曰故六城在壽州安豐縣南百三十二里偃姓皋陶之後所封也潛

城楚之潛邑在霍山縣東二百步

七年楚使子常伐吳吳大敗楚

於豫章

正義曰今洪州也

十年冬吳王闔閭伍子胥伯

嚭與唐蔡俱伐楚楚大敗吳兵遂入郢辱平王

之墓以伍子胥故也吳兵之來楚使子常以兵

迎之夾漢水陣吳伐敗子常子常亡奔鄭楚兵

奔吳乘勝逐之五戰及郢己卯昭王出奔庚辰

吳人入郢

春秋云十一月庚辰

昭王亡也至雲夢雲夢不知

其王也射傷王王走鄭

正義曰走音奏鄭音云括地志云安州安陸縣城本春秋

時鄭國城

鄭公之弟懷曰平王殺吾父

服虔曰父曼成然○正義曰成

然立平王貪求無厭平王殺之

今我殺其子不亦可乎鄭公止之

然恐其弑昭王乃與王出奔隨

正義曰括地志云隨州城外古隨國

城隨姬姓也又云楚昭王城在隨州縣北七里左傳云吳師入郢王奔隨隨人處之公宮之北即此城是也

吳王

聞昭王往即進擊隨謂隨人曰周之子孫封於

江漢之間者楚盡滅之欲殺昭王王從臣子綦

乃深匿王自以爲王謂隨人曰以我予吳隨人

卜予吳不吉乃謝吳王曰昭王亡不在隨吳請

入自索之隨不聽吳亦罷去昭王之出郢也使

申包胥

服虔曰楚大夫王孫包胥

請救於秦秦以車五百乘救

楚楚亦收餘散兵與秦擊吳十一年六月敗吳

於稷

賈逵曰楚地也

會吳王弟夫概見吳王兵傷敗乃

亡歸

自立為王闔閭聞之引兵去楚歸擊夫概

夫概敗奔楚楚封之堂谿

正義曰地理志云堂谿故城在豫州鄆城縣西八十里

號為堂谿氏楚昭王滅唐

杜預曰義陽安昌縣東南上唐鄉

也

九月歸入

郢十二年吳復伐楚取番

正義曰片寒反又音婆括地志云饒州鄱陽縣春秋

時為楚東境秦為番縣屬

楚恐去郢北徙都郢

正義曰音若括地志云楚昭王故城在襄州樂鄉縣東北三十三里在故都城東五里即楚國故昭王徙都郢城也

十六年

正義曰括地志

孔子相魯二十年楚滅頓

地理志云云曰汝南頓縣故頓子國。正義曰括地志

云陳州南頓縣故頓子國應劭云古頓

滅胡

杜預曰汝南縣西北胡城

楚世家

正義曰括地志云故胡城在豫州鄆城縣界

二十一年吳王闔閭伐越越

王勾踐射傷吳王遂死吳由此怨越而不西伐

楚二十七年春吳伐陳楚昭王救之軍城父十

月昭王病於軍中有赤雲如鳥夾日而蜚

杜預曰雲

在楚上唯楚見之

昭王問周太史太史曰是害於楚王然

可移於將相將相聞是言乃請自以身禱於神

昭王曰將相孤之股肱也今移禍庸去是身乎

弗聽卜而河爲祟大夫請禱河昭王曰自吾先

王受封望不過江漢

服虔曰謂所受王命祀其國中山川爲望。正義曰按江荊州南大

江也漢江也二水楚境內也河黃河非楚境也

而河非所獲罪也止不許孔

子在陳聞是言曰楚昭王通大道矣其不失國
宜哉昭王病甚乃召諸公子大夫曰孤不佞再
辱楚國之師今乃得以天壽終孤之幸也讓其
弟公子申爲王不可又讓次弟公子結亦不可
乃又讓次弟公子閭五讓乃後許爲王將戰庚
寅昭王卒於軍中子閭曰王病甚舍其子讓羣
臣臣所以許王以廣王意也今君王去臣豈敢
忘君王之意乎乃與子西子綦謀伏師閉塗徐廣曰一作壁
○正義曰左傳云謀潛師閉塗按潛師密發往迎也閉塗防
斷外寇也爲昭王薨於軍嗣子未定恐有隣國及諸公子之
變故伏師閉塗迎越女之子章立爲惠王也
迎越女之子章立之服虔曰閉塗不通外

使也越女昭王之妾。○素隱曰閉塗即攢塗也。故下立惠王後即罷兵歸葬服虔說非。

是爲惠王

然後罷兵歸葬昭王惠王二年子西召故平王

太子建之子勝於吳以爲巢大夫號曰白公

徐廣

曰伍子胥傳曰使勝守楚之邊邑鄢駟案服虔曰白邑名楚邑大夫皆稱公杜預曰汝陰褒信縣西南有白亭。○正義曰

巢今廬州居巢縣也括地志云白亭在豫州褒信縣東南三十里褒信本漢鄢縣之地後漢分鄢置褒信縣在今褒信縣

東七十七里

白公好兵而下士欲報仇六年白公請兵

令尹子西伐鄭初白公父建亡在鄭鄭殺之白

公亡走吳子西復召之故以此怨鄭欲伐之子

西許而未爲發兵八年晉伐鄭鄭告急楚楚使

子西救鄭受賂而去白公勝怒乃遂與勇力死

士石乞等襲殺令尹子西子綦於朝因劫惠王

置之高府

賈逵曰高府府名也杜預曰楚別府

欲弑之惠王從者屈

固負王亡走昭王夫人宮

服虔曰昭王夫人惠王母越女也

白公

自立為王月餘會葉公來救楚楚惠王之徒與

共攻白公殺之惠王乃復位是歲也

徐廣曰惠王之王之十年滅

陳而縣之十三年吳王夫差彊陵齊晉來伐楚

十六年越滅吳

正義曰表云越滅吳在元王四年

四十二年楚滅

蔡

正義曰周定王二十二年

四十四年楚滅杞

正義曰周定王二十四年

與

秦平是時越已滅吳而不能正江淮北

正義曰正長也江淮

北謂廣陵縣徐泗等州也

楚東侵廣地至泗上五十七年惠王

卒子簡王中立

正義曰中音仲反

簡王元年北伐滅莒

正義曰括地志云密州莒縣故國也言北伐者莒在徐泗之北

八年魏文侯韓武子

趙栢子始列為諸侯二十四年簡王卒子聲王

正義曰謚法云不生其國曰聲也

當立聲王六年盜殺聲王子悼

王熊疑立悼王二年三晉來伐楚至乘丘而還

徐廣曰年表三年歸榆關于鄭。正義曰年表云三晉公子伐我至乘丘誤也已解在年表中地理志云乘丘故城在兗

州瑕丘縣西北三十五里是也

四年楚伐周鄭殺子陽九年伐韓

取負黍十一年三晉伐楚敗我大梁榆關

索隱曰此

榆關當在大梁之西

楚厚賂秦與之平二十一年悼王卒子

肅王臧立肅王四年蜀伐楚取茲方

正義曰古今地名云荊州

松滋縣古鳩茲地即茲方是也

於是楚爲扞關以距之

李熊說公孫述曰東守巴

郡距扞關之口○索隱曰郡國志曰巴郡魚復縣有扞關

十年魏取我魯陽

地理志云

南陽有魯陽縣○正義曰括地志云汝州魯山本漢魯陽縣也古魯縣以古魯山爲名也

十一年肅王

卒無子立其弟熊良夫是爲宣王宣王六年周

天子賀秦獻公秦始復彊而三晉益大魏惠王

齊威王尤彊三十年秦封衛鞅於商南侵楚是

年宣王卒子威王熊商立威王六年周顯王致

文武胙於秦惠王七年齊孟嘗君父田嬰欺楚

楚威王伐齊敗之於徐州

徐廣曰時楚已滅越而伐齊也齊說越令攻楚故云

齊欺楚

而令齊必逐田嬰田嬰恐張丑僞謂楚王

曰王所以戰勝於徐州者田盼子不用也

索隱曰盼子嬰

族之同

盼子者有功於國而百姓爲之用嬰子弗

善而用申紀申紀者大臣不附百姓不爲用故

王勝之也今王逐嬰子嬰子逐盼子必用矣復

搏其士卒以與王遇

索隱曰搏音搏亦有作附讀戰國策作整

必不便於

王矣楚王因弗逐也十一年威王卒子懷王熊

槐立魏聞楚喪伐楚取我陘山

正義曰括地志云陘山在鄭州新鄭

縣西南三十里

懷王元年張儀始相秦惠王四年秦惠

王初稱王六年楚使柱國昭陽將兵而攻魏破

之於襄陵得八邑

索隱曰襄陵縣名在河東古本作八邑今亦作八城

又移兵

而攻齊齊王患之

徐廣曰懷王六年昭陽移和而攻齊軍門曰和

陳軫適爲

秦使齊齊王曰爲之奈何陳軫曰王勿憂請令

罷之即往見昭陽軍中曰願聞楚國之法破軍

殺將者何以貴之昭陽曰其官爲上柱國封上

爵執珪陳軫曰其有貴於此者乎昭陽曰令尹

陳軫曰今君已爲令尹矣此國冠之上

索隱曰冠音貫令尹

尹中最尊故以國爲言猶如卿子冠軍然

臣請得譬之人有遺其舍人

一卮酒者舍人相謂曰數人飲此不足以徧請

遂畫地爲蛇蛇先成者獨飲之一人曰吾蛇先

成舉酒而起曰吾能爲之足及其爲之足而後

成人奪之酒而飲之曰蛇固無足今爲之足是非蛇也今君相楚而攻魏破軍殺將功莫大焉冠之上不可以加矣

索隱曰冠音官

今又移兵而攻齊攻

齊勝之官爵不加於此攻之不勝身死爵奪有

毀於楚此爲蛇爲足之說也不若引兵而去以

德齊此持滿之術也昭陽曰善引兵而去燕韓

君初稱王秦使張儀與楚齊魏相會盟齧桑

正義

曰徐廣云在梁與彭城之間

十一年蘇秦約從山東六國共攻

秦楚懷王爲從長至函谷關秦出兵擊六國六國兵皆引而歸齊獨後十二年齊湣王伐敗趙

魏軍秦亦伐敗韓與齊爭長十六年秦欲伐齊而楚與齊從親秦惠王患之乃宣言張儀免相使張儀南見楚王謂楚王曰敝邑之王所甚說者無先大王雖儀之所甚願爲門闌之廝者亦無先大王敝邑之王所甚憎者無先齊王雖儀之所甚憎者亦無先齊王而大王和之索隱曰和謂楚與齊親和是以敝邑之王不得事王而令儀亦不得爲門闌之廝也王爲儀閉關而絕齊今使使者從儀西取故秦所分楚商於之地方六百里商於之地在今順陽郡南鄉丹水二縣有商城在於中故謂之商於○索隱曰地理志丹水及商屬弘農今言順陽者是魏晉

始分置順陽郡商
城丹水俱隸之

如是則齊弱矣是北弱齊西德

於秦私商於以爲富此一計而三利俱至也懷
王大悅乃置相璽於張儀日與置酒宣言吾復
得吾商於之地羣臣皆賀而陳軫獨弔懷王曰
何故陳軫對曰秦之所爲重王者以王之有齊
也今地未可得而齊交先絕是楚孤也夫秦又
何重孤國哉必輕楚矣且先出地而後絕齊則
秦計不爲先絕齊而後責地則必見欺於張儀
見欺於張儀則王必怨之怨之是西起秦患北
絕齊交西起秦患北絕齊交則兩國之兵必至

索隱曰兩國謂韓魏

臣故弔楚王弗聽因使一將軍西受封

地張儀至秦詳醉墜車稱病不出三月地不可得楚王曰儀以吾絕齊爲尚薄邪乃使勇士宋遺北辱齊王齊王大怒折楚符而合於秦秦齊交合張儀乃起朝謂楚將軍曰子何不受地從某至某廣袤六里楚將軍曰臣之所以見命者六百里不聞六里即以歸報懷王懷王大怒興師將伐秦陳軫又曰伐秦非計也不如因賂之

一名都與之伐齊是我亡於秦

索隱曰謂失商於之地

取償

於齊也吾國尚可全今王已絕於齊而責欺於

秦是吾合秦齊之交而來天下之兵也國必大

傷矣楚王不聽遂絕和於秦發兵西攻秦秦亦

發兵擊之十七年春與秦戰丹陽索隱曰此丹陽在漢中秦

大敗我軍斬甲士八萬虜我大將軍屈匄裨將

軍逢侯丑等七十餘人遂取漢中之郡楚懷王

大怒乃悉國兵復襲秦戰於藍田正義曰藍田在雍州東南八十里

從藍田關入藍田縣大敗楚軍韓魏聞楚之困乃南襲楚

至於鄧楚聞乃引兵歸十八年秦使使約復與

楚親分漢中之半以和楚楚王曰願得張儀不

願得地張儀聞之請之楚秦王曰楚且甘心於

子奈何張儀曰臣善其左右靳尚靳尚又能得
事於楚王幸姬鄭袖袖所言無不從者且儀以
前使負楚以商於之約今秦楚大戰有惡臣非
面自謝楚不解且大王在楚不宜敢取儀誠殺
儀以便國臣之願也儀遂使楚至懷王不見因
而囚張儀欲殺之儀私於靳尚靳尚爲請懷王
曰拘張儀秦王必怒天下見楚無秦必輕王矣
又謂夫人鄭袖曰秦王甚愛張儀而王欲殺之
今將以上庸之地六縣賂楚以美人聘楚王以
宮中善歌者爲之媵楚王重地秦女必貴而夫

人必斥矣夫人不若言而出之鄭袖卒言張儀
於王而出之儀出懷王因善遇儀儀因說楚王
以叛從約而與秦合親約婚姻張儀已去屈原
使從齊來諫王曰何不誅張儀懷王悔使人追
儀弗及是歲秦惠王卒二十年齊湣王欲爲從

長

索隱曰俗本或作二十六年按下文始言二十四年又
更有二十六年則此云二十六年衍字也當是二十年

事又徐廣推校二十年取武遂二十三年
歸武遂則此二十年二十一年之事乎惡楚之與秦

合乃使使遺楚王書曰寡人患楚之不察於尊
名也今秦惠王死武王立張儀走魏樛里疾公
孫衍用而楚事秦夫樛里疾善乎韓而公孫衍

善乎魏楚必事秦韓魏恐必因二人求合於秦則燕趙亦且事秦四國爭事秦則楚爲郡縣矣王何不與寡人并力收韓魏燕趙與爲從而尊周室以案兵息民令於天下莫敢不樂聽則王名成矣王率諸侯並伐破秦必矣王取武關蜀漢之地

正義曰武關在商州東一百八十里商洛縣界蜀巴蜀漢中郡也

私吳越之

富而擅江海之利韓魏割上黨西薄函谷則楚之彊百萬也且王欺於張儀亡地漢中兵銑藍田天下莫不代王懷怒今乃欲先事秦願大王孰計之楚王業已欲和於秦見齊王書猶豫不

決下其議羣臣羣臣或言和秦或曰聽齊昭眚

曰

索隱曰眚音七余反

王雖東取地於越不足以刷耻必且

取地於秦而後足以刷耻於諸侯王不如深善

齊韓以重樛里疾如是則王得韓齊之重以求

地矣秦破韓宜陽

索隱曰弘農之縣在通他西南

而韓猶復事秦

者以先王墓在平陽

索隱曰非堯都也

而秦之武遂去之

七十里

索隱曰亦非河間國之縣則韓之平陽秦之武遂並當在宜陽左右

以故尤畏秦

不然秦攻三川

正義曰洛州也

趙攻上黨楚攻河外韓

必亡楚之救韓不能使韓不亡然存韓者楚也

韓已得武遂於秦以河山爲塞

正義曰河蒲河西黃河也山韓西境也

所報德莫如楚厚臣以爲其事王必疾齊之所

信於韓者以韓公子昧

正義曰莫爲齊相也韓

爲齊相也韓

已得武遂於秦王其善之使之以齊韓重樗里

疾疾得齊韓之重其主弗敢棄疾也今又益之

以楚之重樗里子必言秦復與楚之侵地矣於

是懷王許之竟不合秦而合齊以善韓

徐廣曰懷王之

二十二年秦拔宜陽取武遂二十三年秦復歸韓武遂然則已非二十年事矣

二十四年倍齊

而合秦秦昭王初立乃厚賂於楚楚往迎婦二

十五年懷王入與秦昭王盟約於黃棘秦復與

楚上庸二十六年齊韓魏爲楚負其從親而合

於秦三國共伐楚楚使太子入質於秦而請救
秦乃遣客卿通將兵救楚三國引兵去二十七
年秦大夫有私與楚太子闘楚太子殺之而亡
歸二十八年秦乃與齊韓魏共攻楚楚殺楚將唐
昧取我重丘而去二十九年秦復攻楚大破楚
楚軍死者二萬殺我將軍景缺懷王恐乃使太
子爲質於齊以求平三十年秦復伐楚取八城
秦昭王遺楚王書曰始寡人與王約爲弟兄盟
于黃棘太子爲質至驩也太子陵殺寡人之重
臣不謝而亡去寡人誠不勝怒使兵侵君王之

邊今聞君王乃令太子質於齊以求平寡人與

楚接境壤界故爲婚姻

正義曰妻父曰十年父曰姻重姻曰王兩婿相謂曰婭

所從相親久矣而今秦楚不驩則無以令諸侯寡人願與君王會武關面相約結盟而去寡人之願也敢以聞下執事楚懷王見秦王書患之欲往恐見欺無往恐秦怒昭睢曰王母行而發兵自守耳秦虎狼不可信有并諸侯之心懷王子子蘭勸王行曰奈何絕秦之驩心於是往會秦昭王昭王詐令一將軍伏兵武關號爲秦王楚王至則閉武關遂與西至咸陽

索隱曰右扶風渭城縣故咸陽

也城

朝章臺如蕃臣不與元禮楚懷王大怒悔不
用昭子言秦因留楚王要以割巫黔中之郡楚
王欲盟秦欲先得地楚王怒曰秦詐我而又彊
要我以地不復許秦秦因留之楚大臣患之乃
相與謀曰吾王在秦不得還要以割地而太子
爲質於齊齊秦合謀則楚無國矣乃欲立懷王
子在國者昭睢曰王與太子俱困於諸侯而今
又倍王命而立其庶子不冝乃詐赴於齊齊湣
王謂其相曰不若留太子以求楚之淮北相曰
不可郢中立王是吾抱空質而行不義於天下

也或曰不然郢中立王因與其新王市曰予我下東國吾爲王殺太子不然將與三國共立之然則東國必可得矣齊王卒用其相計而歸楚太子太子橫至立爲王是爲頃襄王乃告于秦曰賴社稷神靈國有王矣頃襄王橫元年秦要懷王不可得地楚立王以應秦秦昭王怒發兵出武關攻楚大敗楚軍斬首五萬取析十五城而去

徐廣曰年表云取十六城既取析又并取左右十五城也駟案地理志弘農有析縣○正義曰括地志云

登州內御縣城本楚析邑一名丑漢置析縣因析水爲名也

二年楚懷王云逃歸秦

覺之遮楚道懷王恐乃從間道走趙以求歸趙

主父在代

索隱曰主字亦作王

其子惠王初立行王事恐不

敢入楚王楚王欲走魏秦追至遂與秦使復之

秦懷王遂發病頃襄王三年懷王卒于秦秦歸

其喪於楚楚人皆憐之如悲親戚諸侯由是不

直秦秦楚絕六年秦使白起伐韓於伊闕

正義曰括地志

伊闕山在洛州南十九里也

大勝斬首二十四萬秦乃遺楚王

書曰楚倍秦秦且率諸侯伐楚爭一旦之命願

王之飭士卒得一樂戰楚頃襄王患之乃謀復

與秦平七年楚迎婦於秦秦楚復平十一年齊

秦各自稱爲帝月餘復歸帝爲王十四年楚頃

襄王與秦昭王好會于宛結和親十五年楚王
與秦三晉燕共伐齊取淮北十六年與秦昭王
好會於鄢其秋復與秦王會穰十八年楚人有
好以弱弓微繳加歸鴈之上者頃襄王聞召而
問之對曰小臣之好射騏鴈羅龍鳥徐廣曰呂靜曰
龍鳥野鳥也○索隱曰騏音其小鴈也鄒誕龍鳥音
盧動反劉氏音龍是小鳥名

小矢之發也何足爲

大王道也且稱楚之大因大王之賢所弋非直
此也昔者三王以弋道德五霸以弋戰國故秦
魏燕趙者騏鴈也齊魯韓衛者青首也索隱曰小
鳥有青首者
鄒費邳邳者羅龍鳥也索隱曰鄒
費音鄒松外其餘則不

足射者見鳥六雙以王何取

索隱曰以喻下文秦趙等十二國故云六雙

王何不以聖人爲弓以勇士爲繳時張而射之此六雙者可得而囊載也其樂非特朝夕之樂也

索隱曰夕猶昔也

其獲非特鳬鴈之實也

王何張弓而

射魏之大梁之南加其右臂而徑屬之於韓則

中國之路絕而上蔡之郡壞矣還射圍之東

索隱

曰還音惠遶也射音石。正義曰圍音語城在汴州雍丘縣東言王朝張弓射魏大梁汴州之南即加大梁之右臂連韓

郊則河北中國之路向東南斷絕則韓上蔡之郡自破壞矣復遶射雍丘圍城之東便解散魏左肘宋州而外擊曹定陶

及魏東之外解棄則

解魏左肘

索隱曰解音紀買反

而外擊定

陶則魏之東外棄而大宋方與二郡者舉矣且

魏斷二臂顛越矣。膺擊郟國大梁，可得而有也。

王績繳蘭臺

徐廣曰：績，紫也。音爭。蘭一作簡。正義曰：鄭玄云：績，屈也。江沔之間，謂之紫。收繩索。

績也。按繳，絲繩繫弋射鳥也。若膺擊郟國大梁，已了，乃收弋繳於蘭臺。蘭臺，柏山之別名也。飲馬西河，定

魏大梁。此一發之樂也。若王之於弋，誠好而不厭。

則出寶弓，落新繳。

徐廣曰：以石傳弋繳曰落。落音波。索隱曰：落，作確音。播傳音附。

射

蜀鳥於東海，還蓋長城以爲防。

徐廣曰：蜀一作獨。還音官。蓋一作益。益縣

在樂安。蓋縣在泰山。濟北盧縣有長城，東至海也。索隱曰：蜀音畫，謂大鳥之有鉤喙者，以比齊也。還音患，謂遶也。蓋者，覆也。言射者環遶，蓋覆使無飛走之路，因以長城爲防也。徐以蓋爲益縣，非也。地理志云：長城在濟南也。正義曰：太山郡記云：太山西北有長城，緣河徑太山千餘里，至瑯琊臺入海。齊記云：齊宣王乘山嶺之上，築長城，東至海，西至濟州千餘里，以備楚。括地志云：長城西北起濟州平陰縣，緣河歷太山北崗，上經濟州淄州，即西南兗州博城縣北，東至密州瑯

瑯臺入海
劉代記云齊有
朝射東莒
正義曰括地志云密州莒縣故莒子

國地理志云周武王封少昊之後
嬴姓於莒始都計斤春秋時徙居莒也
夕發沮丘
徐廣曰在清河○正

義曰括地志云沮丘丘名也在
青州臨淄縣西北二十五里也
夜加即墨顧據午道

索隱曰顧反也午道當在齊西界一從一橫為午道蓋亦未
詳其處○正義曰劉伯莊云齊西界按蓋在博州之西境也

則長城之東收
正義曰言從齊州長城東至海太
而太

山之北舉矣西結境於趙
正義曰言得齊地約結於趙為境界定從親也
而

北達於燕
索隱曰北一作杜杜者寬大之名言齊晉既復取燕不難也○正義曰北達言四通無所滯礙

三國布抵
徐廣曰音翅一作屬○索隱曰三國齊趙燕也抵式政反
則從

不待約而可成也北遊目於燕之遼東而南登

望於越之會稽此再發之樂也若夫泗上十二

言燕無山
河之限也

諸侯左縈而右拂之可一旦而盡也今秦破韓

以爲長憂得列城而不敢守也伐魏而無功擊

趙顧病索隱曰顧猶反也則秦魏之勇力屈矣楚之故

地漢中析鄠可得而復有也王出寶弓落新繳

涉鄠塞徐廣曰或以爲冥今江夏一作蜀正義曰括地志云故鄠城在陝州河北縣東十里虞邑也杜預

云河東太陽有鄠城是也徐言江夏亦誤也而待秦之倦也山東河內正義

曰謂華山之東懷州河內之郡可得而一也勞民休衆南面稱王

矣故曰秦爲大鳥負海內而處東面而立左臂

據趙之西南右臂傳楚鄢郢索隱曰擊韓魏索隱曰

秦之前故云膺擊俗本作鷹非垂頭中國索隱曰垂頭猶申頭也言欲吞山東處旣形

便勢有地利奮翼鼓抵方三千里則秦未可得
獨招而夜射也欲以激怒襄王故對以此言襄
王因召與語遂言曰夫先王爲秦所欺而客死
於外怨莫大焉今以匹夫有怨尚有報萬乘白
公子胥是也今楚之地方五千里帶甲百萬猶
足以踊躍中野也而坐受困臣竊爲大王弗取
也於是頃襄王遣使於諸侯復爲從欲以伐秦
秦聞之發兵來伐楚楚欲與齊韓連和伐秦因
欲圖周周王赧使武公

徐廣曰定王之曾孫而西周惠公之子

謂楚相

昭子曰三國以兵割周郊地以便輸而南器以

尊楚臣以爲不然夫弑共主臣世君

索隱曰共主世君俱是周

自謂也共主言周爲天下共所宗主也世君言周室代代君於天下

大國不親以衆脅寡

小國不附大國不親小國不附不可以致名實

名實不得不足以傷民夫有圖周之聲非所以

爲號也昭子曰乃圖周則無之雖然周何故不

可圖也對曰軍不五不攻城不十不圍夫一周

爲二十晉

正義曰言周王之國其地雖小諸侯尊之故敵二十晉

公之所知也

韓嘗以二十萬之衆辱於晉之城下銳士死中

士傷而晉不拔公之無百韓以圖周此天下之

所知也夫怨結於兩周以塞鄒魯之心

索隱曰鄒魯有禮義

之國今楚欲結怨兩周而奪九鼎是塞鄒魯之心

交絕於齊

正義曰楚本与齊韓和伐秦因欲圖

周齊不與圖周故齊交絕於楚也

聲失天下其爲事危矣夫危兩

周以厚三川

正義曰三川兩周之地韓多有之言厚韓也

方城之外

正義曰

外許州葉縣東北也言楚取兩周則韓強必弱楚方城之外也

必爲韓弱矣何以知

其然也西周之地絕長補短不過百里名爲天

下共主裂其地不足以肥國得其衆不足以勁

兵雖無攻之名爲弑君然而好事之君喜攻之

臣發號用兵未嘗不以周爲終始是何也見祭

器在焉欲器之至而忘弑君之亂今韓以器之

在楚臣恐天下以器讎楚也臣請譬之夫虎肉

躁其兵利身

索隱曰謂虎以爪牙為兵而自利於防身也

人猶攻之也若

使澤中之麋蒙虎之皮人之攻之必萬之於虎

索隱曰攻易而利大也。正義曰野澤之麋蒙衣虎皮人之攻取必萬倍於虎也。譬楚伐周收祭器其猶麋蒙虎皮矣。

裂楚之地足以肥國訕楚之名足以尊主今子

將以欲誅殘天下之共主居三代之傳器

索隱曰謂九鼎也

也吞三朝六翼以高世主

索隱曰朝亦作鞫同音歷三朝六翼亦謂九鼎也空

足曰朝六翼即六耳翼近耳旁事具小爾雅

非貪而何周書曰欲起無先

故器南則兵至矣於是楚計輟不行十九年秦

伐楚楚軍敗割上庸漢北地予秦

正義曰謂割房金均三州及漢

水之北與秦

二十年秦將白起拔我西陵

徐廣曰屬江夏正義曰括地

志云西陵故城在黃州黃山西二里

二十一年秦將白起遂拔我郢

燒先王墓夷陵

徐廣曰年表云拔郢燒夷陵○索隱曰夷陵名後爲縣屬南郡○正義曰

地志云峽州夷陵縣是也在荆州西應劭云夷山在西北

楚襄王兵散遂不復戰

東北保於陳城二十二年秦復拔我巫黔中郡

二十三年襄王乃收東地兵得十餘萬復西取

秦所拔我江旁十五邑以爲郡距秦二十七年

使三萬人助三晉伐燕復與秦平而入太子爲

質於秦楚使左徒侍太子於秦三十六年頃襄

王病太子亡歸秋頃襄王卒太子熊元代立

索隱

曰系本作完

是爲考烈王考烈王以左徒爲令尹封

以吳號春申君考烈王元年納州于秦以平

徐廣

曰南郡有州陵縣

是時楚益弱六年秦圍邯鄲趙告急楚

楚遣將軍景陽救趙七年至新中

索隱曰趙地无其名字誤鉅鹿

有新市中當為市也。正義曰新中相州安陽縣也。七國時魏寧新中邑秦莊襄王授之更名安陽也。

秦兵

去

徐廣曰年表云六年春申君救趙十年徙於距陽

十二年秦昭王卒楚王

使春申君弔祠于秦十六年秦莊襄王卒秦王

趙政立二十二年與諸侯共伐秦不利而去楚

東徙都壽春

正義曰壽春在南壽州壽春縣是也

命曰郢二十五年

考烈王卒子幽王悍立李園殺春申君幽王三

年秦魏伐楚秦相呂不韋卒九年秦滅韓十年

幽王卒同母弟猶代立是爲哀王哀王立二月
餘哀王庶兄負芻之徒襲殺哀王而立負芻爲
王是歲秦虜趙王遷王負芻元年燕太子丹使
荆軻刺秦王二年秦使將軍伐楚大破楚軍亡
十餘城三年秦滅魏四年秦將王翦破我軍於
蘄索隱曰機而殺將軍項燕五年秦將王翦蒙
武遂破楚國虜楚王負芻滅楚名爲楚郡云

曰秦虜楚王負芻滅去楚名以楚地爲三郡○索隱曰裴注頻引孫檢不知其人本末蓋齊人也

太史公曰楚靈王方會諸侯於申誅齊慶封作
章華臺求周九鼎之時志小天下及餓死于申

亥之家爲天下笑操行之不得悲夫勢之於人
也可不慎與棄疾以亂立雙淫秦女甚乎哉幾

再亡國

索隱曰
幾音祁

索隱述贊曰

鬻熊之嗣

周封於楚

僻在荆蠻

車路藍縷

及通而霸

僭號曰武

文旣代申

成亦赦許

子圉篡嫡

商臣殺父

天禍未悔

憑姦自怙

昭困奔亡

懷迫囚虜

頃襄考烈

祚衰南土

楚世家第十終

越王勾踐世家第十一

史記四十二

越王勾踐其先禹之苗裔

正義曰吳越春秋云禹周行天下還歸大越登茅山

以朝四方羣臣封有功爵有德崩而葬焉至少康怨禹迹宗廟祭祀之絕乃封其庶子於越號曰無餘賀循會稽記云少康其少子號曰於越越國之稱始此越絕記云無餘都會稽山南故越城是也

而夏后帝少康之庶子也封於會稽以奉守禹之祀文身斷髮

披草萊而邑焉後二十餘世至於允常

正義曰輿地志云越

侯傳國三十餘葉歷躬至周敬王時有越侯夫譚子曰允常拓土始大稱王春秋貶爲子號爲於越杜注云於語發聲也

允常之時與吳王闔廬戰而相怨伐允常卒子

勾踐立是爲越王元年吳王闔廬聞允常死乃

興師伐越越王勾踐使死士挑戰二行至吳陳

呼而自剄吳師觀之越因襲擊吳師吳師敗於

攜李

杜預曰吳郡嘉興縣南有攜李城索隱曰事在左傳魯定公十四年

射傷吳王闔

廬闔廬且死告其子夫差曰必毋忘越三年勾

踐聞吳王夫差日夜勒兵且以報越越欲先吳

未發往伐之范蠡諫曰不可臣聞兵者凶器也

戰者逆德也爭者事之末也陰謀逆德好用凶

器試身於所未上帝禁之行者不利越王曰吾

已決之矣遂興師吳王聞之悉發精兵擊越敗

之夫椒

杜預曰夫椒在吳郡吳縣太湖中椒山是也○索隱曰夫音符椒音焦本又作湫音酒小反賈逵云

地名國語云敗之五湖則杜預云在椒山爲非事具哀公元年越王乃以餘兵五千人

保棲於會稽

杜預曰上會稽山也。○索隱曰鄒誕云保山曰棲猶鳥棲於木以避害也故六韜曰

軍處山之高者則曰棲

吳王追而圍之越王謂范蠡曰

正義曰會稽典故

錄云范蠡字少伯越之上將軍也本是楚宛三戶人佯狂獨此病種笑曰吾聞士有賢俊之姿必有佯狂之譏內懷獨見之明外有不知之毀此固非二三子之所知也駕車而往蠡避之後知種之必來謂謂兄嫂曰今日有客願假衣冠有頃種至抵掌而談旁人觀者聳聽之矣

以不聽

子故至於此為之奈何蠡對曰持滿者與天

韋昭

曰與天法天也天道盈而不溢○索隱曰與天天與也言持滿不溢與天同道故天與之

定傾者與

人虞翻曰人道尚謙卑以自牧○索隱曰人主有定傾之功故人與之

節事者以地

韋昭曰

不可彊生事不究不可彊成○索隱曰國語以作與此以亦與義也言地能財成萬物人主宜節用以法地故地與之韋

昭等解

卑辭厚禮以遺之不許而身與之市

韋昭

曰市利也謂委管籥屬國家以身隨之○正義曰卑作言辭
厚遺珍寶不許平越王身往事之如市賈貨易以利此是定
傾危之計勾踐曰諾乃令大夫種行成於吳
索隱曰大

也一云大夫姓猶司馬司空之比非也成者平也求和於吳
也○正義曰吳越春秋云大夫種姓文名種字子禽荆平王
時爲宛令之三戶之里范蠡從大寶躡而吠之從吏恐文種
慙令人引衣而鄣之文種曰無鄣也吾聞大之所吠者人今
吾到此有聖人之氣行而求之來至於此且人膝行頓首
身而大吠者謂我是人也乃下車拜蠡不爲禮

曰君王亡臣勾踐使陪臣種敢告下執事勾踐
請爲臣妻爲妾吳王將許之子胥言於吳王曰
天以越賜吳勿許也種還以報勾踐勾踐欲殺
妻子燔寶器觸戰以死種止勾踐曰夫吳太宰
嚭貪可誘以利請問行言之索隱曰問音紀開
於

是勾踐乃以美女寶器令種間獻吳大宰嚭

索隱

曰國語云越飾美女二人使大夫種遺大宰嚭

嚭受乃見大夫種於吳王種

頓首言曰願大王赦勾踐之罪盡入其寶器不

幸不赦勾踐將盡殺其妻子燔其寶器五千人

觸戰必有當也

索隱曰言悉五千人觸戰或有能當吳兵者故國語作耦耦亦相當對之名又

下云無乃傷君王之所愛乎是有當則傷也

嚭因說吳王曰越以服爲臣

若將赦之此國之利也吳王將許之子胥進諫

曰今不滅越後必悔之勾踐賢君種蠡良臣若

反國將爲亂吳王弗聽卒赦越罷兵而歸勾踐

之困會稽也喟然嘆曰吾終於此乎種曰湯繫

夏臺文王囚羑里晉重耳犇翟齊小白犇莒其
卒主霸由是觀之何遽不爲福乎吳旣赦越越
王勾踐反國乃苦身焦思置膽於坐坐卧即仰
膽飲食亦嘗膽也曰女忘會稽之恥邪身自耕
作夫人自織食不加肉衣不重采折節下賢人
厚遇賓客振貧弔死徐廣曰弔一作葬與百姓同其勞欲
使范蠡治國政蠡對曰兵甲之事種不如蠶蠶鎮
撫國家親附百姓蠶不如種於是舉國政屬大
夫種而使范蠡與大夫拓稽行成爲質於吳索隱
曰越大夫也國語作諸稽郢二歲而吳歸蠡勾踐自會稽歸七

年拊循其士民士民欲用以報吳大夫逢同諫

曰

索隱曰逢姓同名故楚有逢伯者是

國新流亡今乃復殷給繕飾備

利吳必懼懼則難必至且鷙鳥之擊也必匿其形今夫吳兵加齊晉怨深於楚越名高天下實害周室德少而功多必淫自矜爲越計莫若結齊親楚附晉以厚吳吳之志廣必輕戰是我連其權三國伐之越承其弊可克也勾踐曰善居二年吳王將伐齊子胥諫曰未可臣聞勾踐食不重味與百姓同苦樂此人不死必爲國患吳有越腹心之疾齊與吳疥癰也

索隱曰疥音介

願王

釋齊先越吳王弗聽遂伐齊敗之艾陵

索隱曰在魯哀十一

年虜齊高國以歸

索隱曰國惠子高昭子

讓子胥子胥曰王

毋喜王怒子胥欲自殺王聞而止之越大夫種
曰臣觀吳王政驕矣請試嘗之貨粟以上其事
請貸吳王欲與子胥諫勿與王遂與之越乃私
喜子胥言曰王不聽諫後三年吳其墟乎太宰
嚭聞之乃數與子胥爭越議因讒子胥曰伍員
貌忠而實忍人其父兄不顧安能顧王王前欲
伐齊員彊諫已而有功用是反怨王王不備伍
員員必爲亂與逢同共謀讒之王王始不從乃

使子胥於齊聞其託子於鮑氏王乃大怒曰伍

負果欺寡人欲反使人賜子胥屬鏤劍以自殺

子胥大笑曰我令而父霸索隱曰而汝也父闔廬也我又立若

索隱曰若亦汝也若初欲分吳國半予我我不受已今若

反以讒誅我嗟乎嗟乎一人固不能獨立報使

者曰必取吾眼置吳東門以觀越兵入也索隱曰國語云

吳王愠曰狐不使大夫得見乃盛以鴟夷投之于江也於是吳任嚭政居三年

勾踐召范蠡曰吳已殺子胥導諛者衆可乎對

曰未可至明年春吳王北會諸侯於黃池索隱曰在哀十

三年吳國精兵從王惟獨老弱與太子留守索隱曰按春秋

左氏傳太

勾踐復問范蠡蠡曰可矣乃發習流二

千

索隱曰虞書云流宥五刑按流放之罪人使之習戰任為卒伍有二千人也○正義曰謂先慣習流利戰陣死

者二千

教士四萬人

索隱曰謂常所教練之兵也故孔子曰以不教民戰是謂棄之是也

君子六千人

韋昭曰君子王所親近有志行者猶吳所謂賢良齊所謂士也虞翻曰言君養之如子○

索隱曰君子謂君所子養有恩惠者又按左氏楚沈尹戌帥都君子以濟師杜預曰都君子諸都邑之士有復除者國語

云王以私卒君

諸御千人伐吳

索隱曰諸御謂諸理事子六千人也之官在軍有職掌者

吳師敗遂殺吳太子吳告急於王王方會諸侯

于黃池懼天下聞之乃秘之吳王已盟黃池乃

使人厚禮以請成越越自度亦未能滅吳乃與

吳平其後四年越復伐吳吳士民罷弊輕銳盡

死於齊晉而越大破吳因而留圍之三年吳師敗越遂復樓吳王於姑蘇之山吳王使公孫雄

虞翻曰吳大夫

肉袒膝行而前請成越王曰孤臣夫差敢

布腹心異日嘗得罪於會稽夫差不敢逆命得與君王成以歸今君王舉玉趾而誅孤臣孤臣惟命是聽意者亦欲如會稽之赦孤臣之罪乎勾踐不忍欲許之范蠡曰會稽之事天以越賜吳吳不取今天以吳賜越越其可逆天乎且夫君王蚤朝晏罷非爲吳邪謀之二十二年一旦而奔之可乎且夫天與弗取反受其咎伐柯者

其則不遠君忘會稽之厄乎勾踐曰吾欲聽子

言吾不忍其使者范蠡乃鼓進兵曰王已屬政

於執事

虞翻曰執事蠡自謂也

使者去不者且得罪

虞翻曰我為子得罪

○索隱曰虞翻注蓋依國語之文今案此文謂使者宜速去不去得罪於越義亦通

吳使者泣而

去勾踐憐之乃使人謂吳王曰吾置王甬東君

百家

杜預曰甬東會稽勾章縣東海中洲也○索隱曰吳語云與之夫婦三百是也

吳王謝曰

吾老矣不能事君王遂自殺乃蔽其面

正義曰今之面衣是

其遺象也越絕云吳王曰聞命矣以三寸帛慎吾兩目使死者有知吾慙見伍子胥公孫聖以為無知吾耻生者越王則

解綬以慎其目遂伏劍而死慎音覓顧野王云大巾覆也

曰吾無面以見子胥也

越王乃葬吳王而誅太宰嚭勾踐已平吳乃以

兵北渡淮與齊晉諸侯會於徐州致貢於周周

元王使人賜勾踐胙命為伯勾踐已去渡淮南

以淮上地與楚楚世家曰越滅吳而不能正歸吳所

侵宋地於宋與魯泗東方百里當是時越兵橫

行於江淮東諸侯畢賀號稱霸王索隱曰越在蠻夷少康之後地

遠國小春秋之初未通上國國史既微略無世系故紀年稱

為於粵子據此文勾踐平吳之後周元王始命為伯後遂僭

而稱王也范蠡遂去自齊遺大夫種書曰蜚鳥盡良

弓藏狡兔死走狗烹徐廣曰狡一作郊越王為人長頸鳥

喙可與共患難不可與共樂子何不去種見書

稱病不朝人或讒種且作亂越王乃賜種劔曰

子教寡人伐吳七術

正義曰越絕云九術一曰尊天事鬼二曰重財幣以遺其君三曰遺

敵粟藁以空其邦四曰遺之好美以熒其志五曰遺之巧匠使起宮室高臺以盡其財以疲其力六曰貴其諛臣使之易伐七曰彊其諫臣使之自殺八曰邦家富而備器利九曰堅甲利兵以承其弊寡人用其三而

敗吳其四在子子為我從先王試之種遂自殺

勾踐卒

索隱曰紀年云晉出公十年十一月於粵子勾踐卒是為焚執

子王鼫與立

索隱曰鼫音石與音餘按紀年云於粵子勾踐卒次鹿郢立六年卒樂資云越語謂鹿郢為鼫與也

王鼫與

卒子王不壽立王不壽卒

索隱曰紀年云不壽立十年見殺是為盲姑次朱勾

立子王翁立王翁卒

索隱曰紀年於粵子朱勾三十四年滅滕三十五年滅郢三十七年

朱勾卒

子王翳立王翳卒子王之侯立

索隱曰紀年云翳二十三年遷于吳三十六年

七月太子諸咎弑其君翳十月粵殺諸咎粵滑吳人立孚錯枝為君明年大夫寺區定粵亂立初無余之十二年寺區弟

思弑其君莽安次無顓立無顓八年薨是為炎蠲知故莊子云越人三弑其君子搜患之逃乎丹穴不肯出越人薰之以艾乘以王輿樂資云號曰無顓蓋無顓後乃次無顓也則王之侯即無余之也王之侯卒子王

無彊立

索隱曰蓋無顓之弟也音其良反

王無彊時越興師北伐

齊西伐楚與中國爭彊當楚威王之時越北伐齊齊威王使人說越王曰越不伐楚大不王小

不伯圖越之所為不伐楚者為不得晉也韓魏

固不攻楚韓之攻楚覆其軍殺其將則葉陽翟

危

正義曰葉式涉反今許州葉縣陽翟河陽翟縣也二邑此時屬韓與楚大牙交境韓若伐楚恐二邑為楚所危

魏

亦覆其軍殺其將則陳上蔡不安

正義曰陳今陳州也上蔡今豫

州上蔡邑縣也二邑此時屬魏與楚犬牙交境魏若伐楚恐二國為楚所危也

故二晉之事越

也

正義曰言韓魏與楚隣今令越合於二晉而伐楚

不至於覆軍殺將馬汗

之力不效所重

徐廣曰效猶見也

於得晉者何也

正義曰從不至

已下此是齊使者重難越王

越王曰所求於晉者不至頓刃接

兵而況于攻城圍邑乎

正義曰頓刃築營壘也接兵戰也越王言韓魏之事越猶

不至頓刃接兵而況更有攻城圍邑

願魏以聚大梁之

下願齊之試兵南陽莒地以聚常郟之境

索隱曰南陽在

齊之西界莒之西也常邑名蓋田文所封之邑郟故郟國二邑皆齊之南地

則方城之外不

南

正義曰方城山在許州葉縣西南十八里外謂許州豫州等言魏兵在大梁之下楚方城之兵不得南伐越也

淮泗之間不東商於析酈宋胡之地

徐廣曰胡國今之汝陰

索隱曰四邑並屬南陽楚之西南是也宋胡作宗胡宗胡邑名胡姓之宗因以名邑杜預云汝陰縣北有故胡城是也

越王勾踐世家

正義曰酈音攤括地志云商洛縣則古商國城也荊州圖副云鄧州內鄉縣東七里於村即於中也括地志又云鄧州內鄉縣楚邑也故酈縣在鄧州新城縣西北三十里按商於析酈在商鄧二州界縣邑也夏路以左徐曰蓋謂江夏之夏○索隱曰徐氏以爲江夏非也劉氏云楚適諸夏路出方城人向北行以西爲左故云夏路以左其意爲得也○正義曰括地志云故長城在鄧州內鄉縣東十五里南入穰縣北連翼望山無土之處累石爲楚固襄王控霸南土爭強中國多築列城於北方以適華夏號爲方城按此說劉氏爲得云邑徒衆少不足備秦峽武二關之道也

不足以備秦江南泗上不足以待越矣

正義曰江南洪饒等

州春秋時爲楚東境也泗上徐州春秋時楚北境也二境並與越隣言不足當伐越則齊秦韓魏

得志於楚也是二晉不戰而分地不耕而穫之

不此之爲而頓刃於河山之間以爲齊秦用所

待者如此其失計奈何其以此王也齊使者曰

幸也越之不亡也吾不貴其用智之如目見豪

毛而不見其睫也今王知晉之失計而不自知

越之過是目論也

索隱曰言越王知晉之失不自覺越之過猶人眼能見豪毛而自不見其

睫故謂之目論也

王所待於晉者非其馬汗之力也又非

可與合軍連和也將待之以分楚衆也今楚衆

已分何待於晉越王曰奈何曰楚三大夫張九

軍北圍曲沃

徐廣曰一作北面曲沃。正義曰括地志云曲沃故城在陝縣西三十二里於中在鄧州

內鄉縣東七里爾時曲沃屬魏於中屬秦二地相近故楚圍之

於中以至無

徐廣曰無一作西

假之關者三千七百里

正義曰按無假之關當在江南長沙之西北也言從曲沃於中

西至漢中邑巫黔中千餘里不備秦魯也

景翠之軍北聚魯齊南陽

正義曰魯

兗州也齊密州莒縣邑南至泗上也南陽鄧州也時屬韓也言楚又備此三國也分散有大此者乎

此者乎且王之所求者鬪晉楚也晉楚不鬪越

兵不起是知二五而不知十也此時不攻楚臣

以是知越大不王小不伯復讎龐

徐廣曰一作龐

長沙

正義曰復扶富反言今越北欲鬪晉楚南復讎敵楚之四邑龐長沙竟陵澤也龐長沙出粟之地竟陵澤出材木之地此

邑近長沙潭衡之境越若窺兵西通無假之關則西邑不得北上貢於楚之郢都矣戰國時永柳衡潭岳鄂江洪饒並是

東南境屬楚也袁吉度撫楚之粟也竟澤陵楚之材

索隱曰劉氏曰復者發語之聲非也言發語聲者文勢然也則是脫况字耳讎當作讎讎邑名字訛耳則讎龐長沙

是三邑也竟澤陵當爲竟陵澤言竟之山澤出材木故楚有七澤蓋其一也合上文爲四邑也越窺兵通

無徐廣曰無一作西假之關此四邑者不上貢事於郢矣

臣聞之圖王不王其敝可以伯然而不伯者王道失也故願大王之轉攻楚也於是越遂釋齊而伐楚楚威王興兵而伐之大敗越殺王無彊盡取故吳地至浙江北破齊於徐州徐廣曰周顯王之四十六年○索隱曰按紀年粵子無繡薨後十年楚伐徐州無楚而

敗越殺無彊之語是無彊爲無繡之後紀年不得錄也

而

越以此散諸族子爭立或爲王或爲君濱於江

南海上

正義曰今台州臨海縣是也

服朝於楚後七世至閩君

搖佐諸侯平秦漢高帝復以搖爲越王以奉越

後東越閩君皆其後也范蠡

太史公曰素王妙論曰蠡本南陽人列仙傳云

蠡徐人○正義曰吳越春秋云蠡字少伯乃楚宛三戶人也越絕云在越爲范蠡蠡在齊爲鳴夷子皮在陶爲朱公又云居楚曰

范伯謂大夫種曰三王則三皇之苗裔也五伯乃五帝之末世也天運曆紀千歲一至黃帝之元執辰破已霸王之氣見於地戶伍子胥以是挾弓矢干吳王於是要大夫種入吳此時馮同相與戒之伍子胥在自餘不能聞其詞蠡曰吳越之邦同風共俗地戶之位非吳則越彼爲事越王勾踐既苦彼我爲我及越王常與言盡日方去

身戮力與勾踐深謀二十餘年竟滅吳報會稽之恥北渡兵於淮以臨齊晉號令中國以尊周室勾踐以霸而范蠡稱上將軍還反國范蠡以爲大名之下難以久居且勾踐爲人可與同患難與處安爲書辭勾踐曰臣聞主憂臣勞主辱臣死昔者君王辱於會稽所以不死爲此事也今旣以雪耻臣請從會稽之誅勾踐曰孤將與

子分國而有之不然將加誅于子范蠡曰君行

令臣行意乃裝其輕寶珠玉自與其私徒屬乘

舟浮海以行終不反於是勾踐表會稽山以爲

范蠡奉邑

索隱曰國語云乃環會稽三百里以爲范蠡之地奉音扶用反

范蠡浮海出

齊變姓名自謂鴟夷子皮

索隱曰范蠡自謂也蓋以吳王殺子胥而盛以鴟夷

今蠡自以有罪故爲號也韋昭曰鴟夷革囊也或曰生牛皮也

耕于海畔苦身戮力父

子治產居無幾何致產數千萬齊人聞其賢以

爲相范蠡喟然嘆曰居家則致千金居官則至

卿相此布衣之極也以受尊名不祥乃歸相印

盡散其財以分與知友鄉黨而懷其重寶間行

以去止于陶

徐廣曰今之濟陰定陶。正義曰括地志云陶山在濟州平陰縣東三十五里止此山之

陽也今山南五里猶有朱公冢

以爲此天下之中交易有無之路

通爲生可以致富矣於是自謂陶朱公復約要

父子耕畜廢居候時轉物逐什一之利居無何

則致貲累巨萬

徐廣曰萬萬也

天下稱陶朱公朱公居

陶生少子少子及壯而朱公中男殺人囚於楚

朱公曰殺人而死職也然吾聞千金之子不死

於市告其少子往視之乃裝黃金千溢置褐器

中載以一牛車且遣其少子朱公長男固請欲

行朱公不聽長男曰家有長子曰家督今弟有

罪大人不遣乃遣少弟是吾不肖欲自殺其母
爲言曰今遣少子未必能生中子也而先空亡
長男奈何朱公不得已而遣長子爲一封書遺
故所善莊生索隱曰據其時代非莊周也然驗其行事非子休而誰能信任於楚王乎○正義曰年表云周元王四年越滅吳范蠡遂去齊歸定陶後遺莊生金莊周與魏惠王周元王同時從周元王四年至齊宣王元年一百三十年此莊生非莊子曰至則進千金于莊生所聽其所爲
慎無與爭事長男旣行亦自私齎數百金至楚
莊生家負郭披藜藿到門居其貧貧然長男發書
進千金如其父言莊生曰可疾去矣慎毋留即
弟出勿問所以然長男旣去不過莊生而私留

以其私齎獻遺楚國貴人用事者莊生雖居窮
閭然以廉直聞於國自楚王以下皆師尊之及
朱公進金非有意受也欲以成事後復歸之以
爲信耳故金至謂其婦曰此朱公之金有如病
不宿誠後復歸勿動而朱公長男不知其意以
爲殊無短長也莊生間時入見楚王言某星宿
某此則害於楚楚王素信莊生曰今爲奈何莊
生曰獨以德爲可以除之楚王曰生休矣寡人
將行之王乃使使者封三錢之府

國語曰周景王
時將鑄大錢賈

達說云虞夏商周金幣三等或赤或白或黃黃爲上幣銅錢
爲下幣韋昭曰錢者金幣之名所以賀買物通財用也單穆

公云古者有母平子子權母而行然則三品之
來古而然矣駟謂楚之三錢賈韋之說近之 楚貴人驚

告朱公長男曰王且赦曰何以也曰每王且赦

常封三錢之府昨暮王使使封之

或曰王且赦常封三錢之府者錢幣

至重慮人或逆知有赦盜竊之所以封錢府備盜竊也漢靈帝時河內張成能候風角知將有赦教子殺人捕得七日赦

出此其類也

朱公長男以爲赦弟固當出也重千金虛

弃莊生無所爲也乃復見莊生莊生驚曰若不
去邪長男曰固未也初爲事弟弟今議自赦故
辭生去莊生知其意欲復得其金曰若自入室
取金長男即自入室取金持去獨自歡幸莊生
羞爲兒子所賣乃入見楚王曰臣前言某星事

王言欲以脩德報之今臣出道路皆言陶之富人朱公之子殺人囚楚其家多持金錢賂王左右故王非能恤楚國而赦乃以朱公子故也楚王大怒曰寡人雖不德耳奈何以朱公之子故而施惠乎今論殺朱公子明日遂下赦令朱公長男竟持其弟喪歸至其母及邑人盡哀之唯朱公獨笑曰吾固知必殺其弟也彼非不愛其弟顧有所不能忍者也是少與我俱見苦爲生難故重棄財至如少弟者生而見我富乘堅驅良逐狡兔

徐廣曰狡一作郊

豈知財所從來故輕去之非

所惜吝前日吾所爲欲遣少子固爲其能弃財
故也而長者不能故卒以殺其弟事之理也無
足悲者吾日夜固以望其喪之來也故范蠡三
徙成名於天下非苟去而已所止必成名卒老
死于陶故世傳曰陶朱公

張華曰陶朱公冢在南郡華容縣西樹碑云是越之

范蠡也○正義曰盛弘之荊州記云荊州華容縣西有陶朱
公冢樹碑云是越范蠡范蠡本宛三戶人與文種俱入越吳
云後自適齊而終陶朱公登仙未聞葬此所由括地志云陶
朱公冢也又云濟州平陰縣東三十里陶山南五里有陶公
冢并止於陶山之陽按
葬處有三未詳其處

太史公曰禹之功大矣漸九川

徐廣曰漸者亦引進
通導之意也字或宜

然定九州至于今諸夏艾安及苗裔勾踐苦身

焦思終滅彊吳北觀兵中國以尊周室號稱霸王徐廣曰一作主勾踐可不謂賢哉蓋有禹之遺烈焉范蠡三遷皆有榮名名垂後世臣主若此欲母顯得乎

索隱述贊曰

越祖少康 至于允常 其子始霸

與吳爭彊 攜李之役 闔閭見傷

會稽之恥 勾踐欲當 種誘以利

蠡悉其良 折節下士 致膽思嘗

卒復讎寇 遂殄吳疆 後不量力

史記世家十一
滅於無彊

越王勾踐世家第十一

史記四十一

越王勾踐世家

鄭世家第十二

史記四十二

鄭桓公友者周厲王少子而宣王庶弟也

徐廣曰宣王庶弟也

宣王立二十二年友初封于鄭

索隱曰鄭縣名屬京兆秦武公

十一年初縣杜鄭是也又系本云桓公居械林徙拾宋忠云械林與拾皆舊地名是封桓公乃名為鄭耳至秦之縣鄭是

鄭武公東徙新鄭之後其舊鄭乃是故都故秦始改為縣也出地理志

封三十三歲百姓

皆便愛之幽王以為司徒

韋昭曰幽王八年為司徒索隱曰韋昭據國語以

為說

和集周民周民皆說河雒之間人便思之

為司徒一歲幽王以褒后故王室治多邪諸侯

或畔之於是桓公問太史伯

虞翻曰周太史

曰王室多故

予安逃死乎太史伯對曰獨雒之東土河濟之

南可居公曰何以對曰地近虢鄆

徐廣曰虢在成
皐鄆在密縣

案虞翻曰虢姬姓東虢也鄆姁姓。正義曰括地志云洛州
汜水縣古東虢叔之國東虢君也又云故鄆城在鄭州新鄭
縣東北三
十二里

虢鄆之君貪而好利

索隱曰鄭語云虢叔恃
勢鄆仲恃險皆有驕侈

又加之以貪冒是也虢叔
丈王弟鄆姁姓之國也

百姓不附今公爲司徒民

皆愛公公誠請居之虢鄆之君見公方用事輕

分公地公誠居之虢鄆之民皆公之民也公曰

吾欲南之江上何如對曰昔祝融爲高辛氏火

正其功大矣而其於周未有興者楚其後也周

衰楚必興興非鄭之利也公曰吾欲居西方何

如

索隱曰國語曰公曰謝西之九州何如韋昭云謝申
伯之國謝西有九州二千五百家爲州其說蓋異此對曰

其民貪而好利難久居公曰周衰何國興者對
曰齊秦晉楚乎夫齊姜姓伯夷之後也伯夷佐
堯典禮秦嬴姓伯翳之後也伯翳佐舜懷柔百
物及楚之先皆嘗有功於天下而周武王克紂
後成王封叔虞于唐

徐廣曰晉世家曰唐叔虞姓姬氏字子干○索隱曰唐者古國堯之

後其君曰叔虞何以知然據此系家下文云唐人之季代曰唐叔虞當武王邑姜方動太叔夢天帝命而子曰虞與之唐及生有文在手曰虞遂以名之及成王滅唐而國太叔故因以稱唐叔虞杜預亦曰取唐君之名是也其地

阻險以此有德與周衰並亦必興矣桓公曰善

於是卒言王東徙其民雒東而虢鄆果獻十邑

虞翻曰十邑謂虢鄆郛蔽補丹依隳歷華也○索隱曰國語云太史伯曰若克二邑鄆蔽補丹依隳歷華君之土也虞

翻註依國語為記

竟國之

韋昭曰後武公竟取十邑地而居之今河南新鄭也

二歲犬戎

殺幽王於驪山下并殺桓公鄭人共立其子掘

突

正義曰上求勿反下戶骨反

是為武公

索隱曰譙周云各突滑皆非也蓋古史失其名太史

公循舊失而妄記之耳何以知其然者按下文其孫昭公名忽厲公名突豈有孫與祖同名乎當是舊史雜記昭厲忽突

之名遂誤以掘突為武公之字耳

武公十年娶申侯女

正義曰括地志云故申城

在鄧州南陽縣北三十里左傳云鄭武公取於申也

為夫人曰武姜生太子寤

生生之難及生夫人弗愛後生少子叔段段生

易夫人愛之

徐廣曰年表云十四年生寤生十七年生太叔段

二十七年武

公疾夫人請公欲立段為太子公弗聽是歲武

公卒寤生立是為莊公莊公元年封弟段於京

賈逵曰京鄭都邑杜預曰今滎陽京縣

號太叔祭仲曰京大於國非所

以封庶也莊公曰武姜欲之我弗敢奪也段至

京繕治甲兵與其母武姜謀襲鄭二十二年段

果襲鄭武姜為內應莊公發兵伐段段走伐京

京人畔段段出走鄢

正義曰鄢音烏古反今新鄭縣南鄢頭有村多万家舊作鄢音偃杜

預云鄢今鄢陵也

鄢潰段出奔共

賈逵曰共國名也杜預曰今汲郡共縣也○正義曰按今衛州

共城縣是也

於是莊公遷其母武姜於城穎

賈逵曰鄭地也○正義曰

疑許州臨潁縣是也

誓言曰不至黃泉

服虔曰天玄地黃泉在地中故言黃泉

母相

見也居歲餘己悔思母穎谷之考叔

賈逵曰潁谷鄭地○正義

曰括地志云潁水源自洛州嵩高縣東南三十里陽乾山今俗名潁山泉源出山之東谷其側有古人居處俗名為潁墟

故老云是穎考之故居即有獻於公公賜食考叔曰

臣有母請君食賜臣母莊公曰我甚思母惡貧

盟奈何考叔曰穿地至黃泉則相見矣於是遂

從之見母二十四年宋繆公卒公子馮奔鄭鄭

侵周地取禾索隱曰左傳隱三年鄭武公莊公爲平王卿士王貳于虢及王崩周人將畀虢公政夏四月

月鄭祭足帥師取溫之麥秋又取成周之禾二十五年衛州吁弑其君桓

公自立與宋伐鄭以馮故也二十七年始朝周

桓王桓王怒其取禾弗禮也索隱曰杜預曰桓公即位周鄭交惡至是始朝

故言始也左傳又曰周桓公言於王曰我周之東遷晉鄭馬依善鄭以勸來者猶懼不饒況不禮焉鄭不來矣二十

九年莊公怒周弗禮與魯易枋許田索隱曰許田近許之地魯

朝宿之邑妨者鄭所受助祭太山之湯沐邑鄭以天子不能巡守故以妨易許田各從其近

三十三年

宋殺孔父三十七年莊公不朝周周桓王率陳

蔡虢衛伐鄭莊公與祭仲高渠彌發兵自救

索隱

曰左傳稱祭仲足蓋祭是邑其人各仲字仲足故傳云祭封人中足是也此繻葛之戰在魯桓五年彌一作昧並音迷

王師大敗祝瞻射中王臂

索隱曰左氏作祝聃

祝瞻請從之

鄭伯止之曰犯長且難之況敢陵天子乎乃止

夜令祭仲問王疾三十八年北戎伐齊齊使求

救鄭遣太子忽將兵救齊齊釐公欲妻之忽謝

曰我小國非齊敵也時祭仲與俱勸使取之曰

君多內寵

服虔曰言庶子有寵者多

太子無大援將不立三公

子皆君也所謂三公子者太子忽其弟突次弟

子亶也

索隱曰此文則數太子忽及突子亶爲三而杜預云不數太子以子突子亶子儀爲三蓋得之

四

十三年鄭莊公卒初祭仲甚有寵於莊公莊公

使爲卿公使娶鄧女生太子忽故祭仲立之是

爲昭公莊公又娶宋雍氏女

賈逵曰雍氏黃帝之孫姑姓之後爲宋大夫

生厲公突雍氏有寵於宋

服虔曰爲宋正卿故曰有寵

宋莊公

聞祭仲之立忽乃使人誘召祭仲而執之曰不

立突將死亦執突以求賂焉祭仲許宋與宋盟

以突歸立之昭公忽聞祭仲以宋要立其弟突

九月辛亥忽出奔衛己亥突至鄭立是爲厲公

厲公四年祭仲專國政厲公患之陰使其壻雍

糾欲殺祭仲

賈逵曰雍糾鄭大夫

糾妻祭仲女也知之謂其

母曰父與夫孰親母曰父一而已人盡夫也

杜預

曰婦人在室則天父出則天夫女以爲疑故母以所生爲本解之

女乃告祭仲祭仲反

殺雍糾戮之於市厲公無奈祭仲何怒糾曰謀

及婦人死固宜哉夏厲公出居邊邑櫟

宋衷曰今潁川陽翟

縣○索隱曰按櫟音歷即鄭初得十邑之歷也

祭仲迎昭公忽六月乙亥復

入鄭即位秋鄭厲公突因櫟人殺其大夫單伯

杜預曰鄭守櫟大夫也○索隱曰依左傳作檀伯事在桓十五年此文誤爲單伯者蓋亦有所因也按魯莊公十四年厲

公自櫟侵鄭事與單伯會齊師伐宋相連故知誤耳

遂居之諸侯聞厲公出奔

伐鄭弗克而去宋頗予厲公兵自守於櫟鄭以故亦不伐櫟昭公二年自昭公爲太子時父莊公欲以高渠彌爲卿太子忽惡之莊公弗聽卒用渠彌爲卿及昭公即位懼其殺已冬十月辛卯渠彌與昭公出獵射殺昭公於野祭仲與渠彌不敢入厲公乃更立昭公弟子亶爲君是爲子亶也無諡號子亶元年七月齊襄公會諸侯於首止服虔曰首止近鄭之地杜預曰首止衛地陳留襄邑縣東南有首鄉鄭子亶往會高渠彌相從祭仲稱疾不行所以然者子亶自齊襄公爲公子之時嘗會鬬相仇及會諸侯祭

仲請子亶無行子亶曰齊彊而厲公居櫟即不
往是率諸侯伐我內厲公我不如徃徃何遽必
辱且又何至是卒行於是祭仲恐齊并殺之故
稱疾子亶至不謝齊侯齊侯怒遂伏甲而殺子
亶高渠彌亡歸

索隱曰左氏云輟高渠彌

歸與祭仲謀召子亶

弟公子嬰於陳而立之是爲鄭子

索隱曰左氏以鄭子名子儀此

云嬰姜孟別有所見

是歲齊襄公使彭生醉拉殺魯桓公鄭

子八年齊人管至父等作亂弑其君襄公十二
年宋人長萬弑其君湣公鄭祭仲死十四年故
鄭亡厲公突在櫟者使人誘劫鄭大夫甫瑕要

以求入

索隱曰左傳作傳瑕此本多假借亦依字讀

瑕曰舍我我爲君殺

鄭子而入君厲公與盟乃舍之六月甲子瑕殺

鄭子及其二子而迎厲公突突自櫟復入即位

初內蛇與外蛇鬪於鄭南門中內蛇死居六年

厲公果復入入而讓其伯父原

索隱曰左傳謂之原繁

曰我

亡國外居伯父無意入我亦甚矣原曰事君無

二心人臣之職也原知罪矣遂自殺厲公於是

謂甫瑕曰子之事君有二心矣遂誅之瑕曰重

德不報誠然哉厲公突後元年齊桓公始霸

五年燕衛與周惠王弟頹伐王

索隱曰惠王莊王孫僖王子子頹莊

王之妾王姚所生
事在莊十九年

王出奔溫立弟頹爲王六年惠

王告急鄭厲公發兵擊周王子頹弗勝於是與

周惠王歸王居于櫟七年春鄭厲公與虢叔襲

殺王子頹而入惠王于周秋厲公卒子文公躋

立

索隱曰躋音在接反系本云
文公徙鄭宋忠云即新鄭也

櫟居櫟十七歲復入立七歲與亡凡二十八年

文公十七年齊桓公以兵破蔡遂伐楚至召陵

二十四年文公之賤妾曰燕姑

賈逵曰姑
南燕姓

夢天與

之蘭

賈逵曰
香名也

曰余爲伯儵余爾祖也

賈逵曰伯
儵南燕祖以

是爲而子

王肅曰以是蘭
也爲汝子之名

蘭有國香以夢告文公

文公幸之而予之草蘭爲符遂生子名曰蘭三
十六年晉公子重耳過文公弗禮文公弟叔詹
曰重耳賢且又同姓窮而過君不可無禮文公
曰諸侯亡公子過者多矣安能盡禮之詹曰君
如弗禮遂殺之弗殺使即反國爲鄭憂矣文公
弗聽三十七年春晉公子重耳反國立是爲文
公秋鄭入滑滑聽命已而反與衛於是鄭伐滑
索隱曰左傳僖二十四年鄭公子士泄堵俞弼帥師伐滑周襄王使伯備音服左氏王使伯服游孫伯如鄭請備請滑滑杜預云二子周大夫知伯備即伯服也鄭文公怨惠
王之亡在櫟而文公父厲公入之而厲王不賜

厲公爵祿

索隱曰此言爵祿與左氏說異左傳云鄭伯享

爵酒器非爵祿也

故曰與左氏說異

又死襄王之與衛滑故不聽襄

王請而囚伯棼王怒與翟人伐鄭弗克冬翟攻
伐襄王襄王出奔鄭鄭文公居王于汜三十八
年晉文公入襄王成周四十一年助楚擊晉自
晉文公之過無禮故背晉助楚四十二年晉文
公與秦穆公共圍鄭討其助楚攻晉者及文公
過時之無禮也初鄭文公有三夫人寵子五人
皆以罪蚤死公怒漑徐廣曰一作瑕○索隱曰音既左傳作瑕逐羣公子
子蘭奔晉從晉文公圍鄭時蘭事晉文公甚謹

愛幸之乃私於晉以求入鄭爲太子晉於是欲
得叔詹爲僂鄭文公恐不敢謂叔詹言詹聞言
於鄭君曰臣謂君君不聽臣晉卒爲患然晉所
以圍鄭以詹詹死而赦鄭國詹之願也乃自殺
鄭人以詹尸與晉晉文公曰必欲一見鄭君辱
之而去鄭人患之乃使人私於秦曰破鄭益晉
非秦之利也秦兵罷晉文公欲入蘭爲太子以
告鄭鄭大夫石癸曰吾聞姑姓乃后稷之元妃
杜預曰姑姓之
女爲后稷妃其後當有興者子蘭母其後也且
夫人子盡已死餘庶子無如蘭賢今圍急晉以

爲請利孰大焉遂許晉與盟卒而立子蘭爲太子
晉兵乃罷去四十五年文公卒子蘭立是爲
繆公繆公元年春秦繆公使三將將兵欲襲鄭
至滑逢鄭賈人弦高詐以十二牛勞軍故秦兵
不至而還晉敗之於崤初往年鄭文公之卒也
鄭司城繒賀以鄭情賣之秦兵故來三年鄭發
兵從晉伐秦敗秦兵於汪往年徐廣曰繆公之二年楚太子
商臣弑其父成王代立二十一年與宋華元伐
鄭華元殺羊食士不與其御羊斟怒以馳鄭鄭
囚華元宋贖華元元亦亡去晉使趙穿以兵伐

鄭二十二年鄭繆公卒子夷立是爲靈公靈公

元年春楚獻鼃於靈公子家子公將朝靈公賈逵

曰二子鄭卿也子公之食指動服虔曰第二指謂子家曰佗日

指動必食異物及入見靈公進鼃羹子公笑曰

果然靈公問其笑故具告靈公靈公召之獨弗

予羹子公怒染其指左傳曰染指於鼎嘗之而出公怒欲

殺子公子公與子家謀先夏弑靈公鄭人欲立

靈公弟去疾去疾讓曰必以賢則去疾不肖必

以順則公子堅長堅者靈公庶弟徐廣曰年表云靈公庶兄去

疾之兄也於是乃立子堅是爲襄公襄公立將

盡去繆氏繆氏者殺靈公子公之族家也去疾
曰必去繆氏我將去之乃止皆以爲大夫襄公
元年楚怒鄭受宋賂縱華元伐鄭鄭背楚與晉
親五年楚復伐鄭晉來救之六年子家卒國人
復逐其族以其弑靈公也七年鄭與晉盟鄆陵
八年楚莊王以鄭與晉盟來伐圍鄭三月鄭以
城降楚楚王入自皇門鄭襄公肉袒擊羊以迎
曰孤不能事邊邑使君王懷怒以及弊邑孤之
罪也敢不惟命是聽君王遷之江南及以賜諸
侯亦惟命是聽若君王不忘厲宣王桓武公哀

不忍絕其社稷錫不毛之地

何休曰境埽不生五穀曰不毛謙不敢求肥饒

使復得改事君王孤之願也然非所敢望也敢布腹心惟命是聽莊王爲却三十里而後舍楚羣臣曰自郢至此士大夫亦久勞矣今得國舍之何如莊王曰所爲伐伐不服也今已服尚何求乎卒去晉聞楚之伐鄭發兵救鄭其來持兩端故遲比至河楚兵已去晉將率或欲渡或從還卒渡河莊王聞還擊晉鄭反助楚大破晉軍於河上十年晉來伐鄭以其反晉而親楚也十一年楚莊王伐宋宋告急于晉晉景公欲發兵

救宋伯宗諫晉君曰天方開楚未可伐也乃求壯士得霍人解楊字子虎誑楚令宋毋降過鄭鄭與楚親乃執解楊而獻楚楚王厚賜與約使反其言令宋趣降三要乃許於是楚登解楊樓

車

服虔曰樓軍所以窺望敵軍兵法所謂雲梯也杜預曰樓車車上望櫓也

令呼宋遂負楚

約而致其晉君命曰晉方悉國兵以救宋宋雖急慎毋降楚晉兵今至矣楚莊王大怒將殺之解揚曰君能制命爲義臣能承命爲信受吾君命以出有死無隕

服虔曰隕墜也

莊王曰若之許我已

而背之其信安在解楊曰所以許王欲以成吾

君命也將死顧謂楚軍曰爲人臣毋忘盡忠得
死者楚王諸弟皆諫王赦之於是赦解楊使歸
晉爵之爲上卿十八年襄公卒子悼公潰立

曰劉音秘鄒本一作弗一
作沸左傳作費音扶味反

悼公元年鄒公

徐廣曰音許
許公靈公也

惡鄭於楚悼公使弟踰於楚自訟

索隱曰踰訟不
音公遜反

直楚囚踰於是鄭悼公來與晉平遂親踰私於
楚子反子反言歸踰於鄭二年楚伐鄭晉兵來
救是歲悼公卒立其弟踰是爲成公成公三年
楚共王曰鄭成公孤有德焉使人來與盟成公
私與盟秋成公朝晉晉曰鄭私平於楚執之使

欒書伐鄭四年春鄭患晉圍公子如乃立成公

庶兄縑爲君

索隱曰縑音須鄭氏云一作縑

其四月晉聞鄭立君

乃歸成公鄭人聞成公歸亦殺君縑迎成公晉

兵去十年皆晉盟盟於楚晉厲公怒發兵伐鄭

楚共王救鄭晉楚戰鄢陵楚兵敗晉射傷楚共

王目俱罷而去十三年晉悼公伐鄭兵於洧上

服虔曰洧水名。正義曰括地志云洧水在鄭州新鄭縣北

三里古新鄭城南韓詩外傳云鄭俗二月桃花水出時會於

溱洧水上以自袪除按鄭城守晉亦去十四年成公

卒子憚立是爲釐公

索隱曰憚音紆粉反左傳作髡原

釐公五年

鄭相子駟朝釐公釐公不禮子駟怒使厨人藥

殺釐公

徐廣曰年表云子駟使賊夜弑僖公

赴諸侯曰釐公暴病卒

立釐公子嘉嘉時年五歲是爲簡公簡公元年

諸公子謀欲誅相子駟子駟覺之反盡誅諸公

子二年晉伐鄭鄭與盟晉去冬又與楚盟子駟

畏誅故兩親晉楚三年相子駟欲自立爲君公

子子孔使尉止殺相子駟而代之子孔又欲自

立子產曰子駟爲不可誅之今又效之是亂無

時息也於是子孔從之而相鄭簡公四年晉怒

鄭與楚盟伐鄭鄭與盟楚共王救鄭敗晉兵簡

公欲與晉平楚又囚鄭使者十二年簡公怒相

子孔專國權誅之而以子產爲卿十九年簡公

如晉請衛君還而封子產以六邑

服虔曰四井爲邑

子產

讓受其三邑二十二年吳使延陵季子於鄭見

子產如舊交謂子產曰鄭之執政者侈難將至

政將及子子爲政必以禮不然鄭將敗子產厚

遇季子二十三年諸公子爭寵相殺又欲殺子

產公子或諫曰子產仁人鄭所以存者子產也

勿殺乃止二十五年鄭使子產於晉問平公疾

平公曰卜而曰實沉臺駘爲祟史官莫知敢問

對曰高辛氏有二子長曰閼伯季曰實沉居曠

林賈逵曰不相能也日操干戈以相征伐后帝弗

臧賈逵曰右帝遷關伯于商丘主辰賈逵曰商丘在

丘宋地服虔曰遷商人是因故辰為商星服虔曰商人

辰大火主祀也契之先湯之

始祖相土封關伯之故遷實沉于大夏主參服虔曰大

地因其故國而代之夏在汾澮

之間主祀參星杜預唐人是因服事夏商賈逵曰唐人

曰大夏今晉陽縣謂陶唐氏之

胤劉累也事夏帝孔甲封于大夏因實沉之國子孫以服事

商也。正義曰括地志云故唐城在絳州翼城縣西二十里

徐才宗國都城記云唐因帝堯之裔子所封春秋云夏孔甲

時有堯苗胄劉累者以豢龍事孔甲夏后嘉之賜曰御龍氏

以豢豕韋之後龍一雌死潛醢之以食夏后既而使求之懼

而遷于魯縣夏后蓋別封劉累之後于夏之墟為唐侯至周

成王時唐人作亂成王滅之而封太叔遷唐入子孫於杜謂

之杜伯范氏所在周為唐杜氏地記云唐氏在大夏之墟屬

河東安縣今在絳城西北一百里有唐城其季世曰唐

者以為唐舊國然則叔虞之封即此地也

鄭世家

叔虞

杜預曰唐人之季世其君曰叔虞

當武王邑姜方娠大叔夢

帝謂已

賈逵曰帝天也武王也

余命而子曰虞

杜預曰取唐君之名

乃與

之唐屬之參而蕃育其子孫及生有文在其掌

曰虞遂以命之又成王滅唐而國太叔焉故參

為晉星

賈逵曰晉主祀參參為晉星

由是觀之則實沉參神也

昔金天氏有虞子曰昧為玄冥師

服虔曰金天少皞也玄冥水官

也師長也昧為水官之長

生允格臺駘

服虔曰允格臺駘兄弟也

臺駘能業

其官

服虔曰脩昧之職

宣汾洺

賈逵曰宣猶通也汾洺二水也

障大澤

服虔

曰陂障其水也

以觀太原

服虔曰太原汾水名杜預曰太原晉陽也臺駘之所居也

帝用

嘉之國之汾川

服虔曰帝顓頊也

沈妣蓐黃實守其祀

賈逵曰四國

今晉主汾川而滅之

賈逵曰

由是觀

之則臺駘汾洮神也

然是二者不害君身山川

之神則水旱之菑祭之

也祈福

日月星辰之神則雪霜風雨不時祭之若

也

君疾飲食哀樂女色所生也平公及叔嚮曰善

博物君子也厚爲之禮於子產二十七年夏鄭

簡公朝晉冬畏楚靈王之彊又朝楚子產從二

十八年鄭君病使子產會諸侯與楚靈王盟於

申誅齊慶封三十六年簡公卒子定公寧立秋

定公朝晉昭公元年楚公子棄疾弑其君

鄭世家

靈王而自立爲平王欲行德諸侯歸靈王所侵
鄭地于鄭四年晉昭公卒其六卿彊公室卑子
產謂韓宣子曰爲政必以德毋忘所以立六年
鄭火公欲攘之子產曰不如脩德八年楚太子
建來奔十年太子建與晉謀襲鄭鄭殺建建子
勝奔吳十一年定公如晉晉與鄭謀誅周亂臣
入敬王于周索隱曰王避弟朝之亂出居狄泉在昭二
十三年至二十六年晉鄭入之經曰天王入
于成周
是也十三年定公卒子獻公萬立獻公十三
年卒子聲公勝立當是時晉六卿彊侵奪鄭鄭
遂弱聲公五年鄭相子產卒

正義曰括地志云子產
墓在新鄭縣西南二十

五里酈元注水經云子產墓在涇水上累石為方墳墳東北向鄭城杜預云言不忘本也

鄭人皆哭

泣悲之如亡親戚子產者鄭成公少子也為人

仁愛人事君忠厚孔子嘗過鄭與子產如兄弟

云及聞子產死孔子為泣曰古之遺愛也

賈逵曰愛惠也

杜預曰子產見愛有古人遺風也

兄事子產八年晉范中行氏反

晉告急於鄭鄭救之晉伐鄭敗鄭軍於鐵

杜預曰戚城南

鐵丘。正義曰括地志云鐵州在滑州衛南縣東南十五里

十四年宋景公滅曹

二十年齊田常弒其君簡公而常相於齊二十

二年楚惠王滅陳孔子卒二十六年晉知伯伐

鄭取九邑三十七年聲公卒子哀公易立

年表云三十八

年哀公八年鄭人弑哀公而立聲公弟丑是爲

共公共公三年晉滅知伯三十年共公卒子幽

公已立幽公元年韓武子伐鄭殺幽公鄭人立

幽公弟駘是爲縡公

年表曰鄭立幽公
子駘縡或作繚

縡公十五年

韓景侯伐鄭取雍丘鄭城京十六年鄭伐韓敗

韓兵於負黍

徐廣曰在陽城。正義曰括地志云負黍亭
在洛州陽城縣西南二十五里故國邑也

二十年韓趙魏列爲諸侯二十三年鄭圍韓之

陽翟二十五年鄭君殺其相子陽二十七年子

陽之黨共弑縡公駘而立幽公弟乙爲君是爲

鄭君

徐廣曰一本云立幽公弟乙陽爲君是爲康公六國
年表云立幽公子駘又以鄭君陽爲鄭康公乙班固

云鄭康公乙
為韓所滅

鄭君乙立二年鄭負忝反復歸韓十
一年韓伐鄭取陽城二十一年韓哀侯滅鄭并
其國

太史公曰語有之以權利合者權利盡而交踈
甫瑕是也甫瑕雖以劫殺鄭子內厲公厲公終
背而殺之此與晉之里克何異守節如荀息身
死而不能存奚齊變所從來亦多故矣

索隱述贊曰

厲王之子

得封於鄭代職司徒

緇衣在詠

號鄭獻邑

祭足專命

莊既犯王 厲亦奔命 居櫟克入
夢蘭疏慶 伯服生囚 叔瞻尸聘
釐簡之後 公室不競 負黍雖還
韓哀日盛

鄭世家第十二

史記四十二

[General Information]

书名=百衲本二十四史 史记 15 世家

作者= (西汉) 司马迁撰

页数= 139

出版社= 商务印书馆

出版日期= 1936

SS号= 12459894

DX号= 000007545247

url=http://book2.duxiu.com/search
?&channel=search>ag=&sw=%B0%D9%
F1%C4%B1%BE%B6%FE%CA%AE%CB%C4%CA%
B7++%CA%B7%BC%C7++15++%CA%C0%BC%D
2&year=§year=&seb=0&pid=0&show
wc=0&fenleiID=&Pages=1&searchtype
= 1